



CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 17 1940

T2520/4486 B

3





尚史

哈佛大學漢和
圖書館珍藏印

陽湖陶氏
武書齋

世家一

襄平李錯鐵君甫纂

魯世家

始武王十三年終秦莊襄王元年
凡八百七十四年傳三十四世

伯禽 考公 煬公 幽公 魏公 厲公 獻公

真公 武公 懿公 伯御附 孝公 惠公

禽父者周公元子伯禽也

尚書大傳伯禽與康叔見周公三見
而三答康叔有駭色謂伯禽曰有商

子者賢人也與子見之乃見商子而問焉商子曰南山之陽有
木焉名曰橋二子往觀之見橋實高然而上反以告商子
商子曰橋者父道也南山之陰有木焉名曰梓二三子復往觀
焉見梓實晉晉然而循反以告商子商子曰梓者子道也明日
見周公入門而趨登堂而跪拂其
首勞而食之曰爾安見君子乎
武王終成王少周公相成王

而使其子伯禽代就封于魯周公戒伯禽曰我文王之子武王

之弟今王之叔父我于天下亦不賤矣然我一沐三捉髮一飯

三吐哺起以待士猶恐失天下之賢人子之魯慎無以國驕人

荀子伯禽將歸于魯周公謂伯禽之傅曰汝將行盍志而子美

德乎對曰其為人寬好自用以慎此三者其美德也已周公曰

嗚呼以人惡為美德乎君子好以道德故其民歸道彼其寬也

出無辨矣汝又美之彼其好自用也是所以窶小也君子力如

牛不與牛爭力走如馬不與馬爭走知如士不與士爭知彼爭

者均者之氣也汝又美之彼其慎也是其所以淺也聞之曰無

越踰而見士見士問曰無乃不察乎不問即物少至少至則淺

彼淺者賤人之道也汝又美之吾語汝吾于天下不賤矣然而

所執贄而見者十人還贄而相見者三十人貌執之士者百有

餘人欲言而請畢事者千有餘人吾僅得三士焉所以得三士

者亡于十人與三十人中乃在百人與千人之中故上士吾薄

為之貌下士吾厚為之貌人以我為越踰好士故士至汝其以

魯國驕人幾矣說苑成王封周公周公辭不受乃封伯禽于魯

將辭去周公戒之曰吾聞之德行廣大而守以恭者榮土地博

裕而守以儉者安祿位尊盛而守以卑者貴人眾兵強而守以

畏者勝聰明睿知而守以愚者益博聞多記而守以淺者廣此

六者皆謙德也夫天道毀滿而益謙是以衣成則缺衽宮成則

缺隅屋成則加錯示不成者天道然也易曰謙亨君子有終吉

詩曰湯降不遲聖敬日躋戒之哉子其無以魯國驕士矣又曰

成王封伯禽為魯公召而告之曰爾知為人上之道乎凡處尊

尚史 魯世家卷一

位者必以敬下順德規諫必開不諱之門樽節安靜以藉之諫

者勿振以威勿格以言博采其辭乃擇可觀夫有文無武無以

威下有武無文民畏不親文武俱行威德乃成既成威德民親

以服清白上通巧佞下塞諫者得進忠信乃畜伯禽再拜受命

而辭按伯禽受封時成王尚幼烏能識此邪說謬呂伯禽之

氏春秋伯禽將行請所以治魯周公曰利而弗利也

魯三年而後報政周公周公曰何遲也伯禽曰變其俗革其禮

喪三年然後除之故遲太公亦封于齊五月而報政周公周公

曰何疾也曰吾簡其君臣禮從其俗為也及後聞伯禽報遲乃

歎曰嗚呼魯後世其北面事齊矣夫政不簡不易民不有近平

易近民民必歸之

呂氏春秋太公封于齊周公封于魯相謂曰

何以治國大公曰尊賢上功周公曰親親上

恩大公曰魯自此削矣周公曰魯雖削有齊者亦必非呂氏也
說苑伯禽與大公俱受封而之國三年大公來朝周公問曰何
治之疾也對曰尊賢先疏後親先義後仁此霸者之迹也周公
曰澤及五世五年伯禽來朝周公問曰何治之難對曰親親先
內後外先仁後義此王者
之迹也周公曰澤及十世伯禽即位之後淮夷徐戎並興於是

伯禽率師伐之于費作費誓史書序伯禽宅曲阜徐夷並興東

名地公曰嗟人無譁聽命徂茲淮夷徐戎並興善敕乃甲冑敵乃

干無敢不弔備乃弓矢鍛乃戈矛礪乃鋒刃無敢不善今惟淫

舍牯牛馬杜乃獲斂乃穿無敢傷牯言大放舍牯牢之牛馬獲

斂之無敢令傷地陷獸當以土室牯之傷汝則有常刑馬牛其風臣妾逋逃勿

敢越逐祇復之我商賚汝乃越逐不復汝則有常刑無敢寇攘

踰垣墻竊馬牛誘臣妾汝則有常刑甲戌我惟征徐戎峙乃糗

糧無敢不逮汝則有大刑魯人三郊三遂峙乃楨榦題曰楨甲

戌我惟築無敢不供汝則有無餘刑非殺魯人三郊三遂峙乃

芻茭無敢不多汝則有大刑尚書遂平徐戎定魯伯禽五十三年

薨帝王世紀伯禽以成王元年封在位四十六年康王十六年

十六年世紀卒○按成王元年至康王十六年計五十三年所謂四

謂煬公煬公築茅闕門史記徙魯世本煬公六十年薨漢史記煬公

編因之載于康王二十六年微公以下畧而不書○按伯禽始

封至真公十四年厲王奔彘本紀世家通覈之魯系較周短六

十四年蓋煬公六十年謚子幽公宰即位世本幽公十四年弟

潰殺幽公而自立是為魏公系本魏公五十年薨子厲

公擢即位系本厲公三十七年薨魯人立其弟具是為獻公獻

公三十六年薨

史記作三十二年漢書作五十年世紀作三十六年今從世紀

子真公濞即位

真音慎系本作慎公摯鄒誕作慎公皐漢書作慎公皐○按史

真公十四年厲王奔彘則真公元年當在厲王二十四年獻公

之薨在厲王十七年則真公元年上距

獻公薨時尚缺六年不敢臆補姑闕之真公十四年王無道出

奔彘共和行政二十八年厲王崩宣王立三十年真公薨弟敖

即位是為武公武公十年春武公與長子括少子戲西朝王王

愛戲欲立戲為魯太子樊仲山甫諫曰不可立也不順必犯犯

王命必誅故出令不可不順也令之不行政之不立行而不順

民將棄上夫下事上少事長所以為順今天子建諸侯立其少

是教民逆也若魯從之諸侯效之王命將有所壅若弗從而誅

之是自誅王命也誅之亦失不誅亦失王其圖之王弗聽卒立

戲為魯太子夏歸而武公薨

漢書武公即位二年○按宣王紀

戲為魯太子夏歸而武公薨

漢書武公即位二年○按宣王紀

年世家曰武公九年春來朝夏歸而卒誤

戲即位是為懿公懿公九年懿公兄括之

子伯御與魯人攻弑懿公而立伯御為君伯御十一年王伐魯

殺其君伯御而問魯公子能道順諸侯者以為魯後仲山甫曰

魯懿公弟稱肅恭明神敬事耆老賦事行刑必問於遺訓而咨

于固實不干所問不犯所知王曰然能訓治其民矣乃立稱于

夷宮

夷宮者宣王祖父夷王之廟古者爵命必于祖廟

是為孝公自是諸侯多畔王命

孝公十四年宣王崩子幽王立二十五年諸侯畔周犬戎殺幽

王

按年表幽王十一年為犬戎所殺當孝公之三十六年者因以伯御在位之十一年通為孝公之年也孝公實在位二十

七年諸侯立幽王子宜臼是為平王二十七年孝公薨子弗湟即

位系本作弗皇是為惠公惠公四十六年薨長庶子息攝當國行君

事是為隱公史漢書惠公四十六年子隱公息記立伯禽至春秋三百八十六年

隱公以下春秋

隱公息世本名息姑惠公長庶子惠公元妃孟子孟子卒繼室以聲

子生隱公宋武公生仲子歸于我生桓公惠公薨隱公立而奉

之史記惠公適夫人無子公賤妾聲子生子息息長為娶于宋宋女至而好惠公奪而自妻之生子允登宋女為夫人以允

為大子及惠公卒為允少故魯人令息攝政索隱經傳不言惠公無道左史文亦分明大史公何據而為此說譙周亦不信

隱公元年春三月公及邾儀父盟于蔑夏四月費伯大帥師城

郎秋七月王使宰咺來歸惠公仲子之賵左傳王使宰咺歸公仲子之賵緩且子氏

未薨故名又曰贈死不及尸弔生不及哀豫凶事非禮也九月公羊仲子桓之母穀梁仲子惠公母孝公妾詳魯傳

及宋人盟于宿冬十月改葬惠公公弗臨惠公之薨有宋師葬故有闕是以改葬以

桓為大子故隱公讓而不敢為喪主衛侯來會葬不見公新作南門十二月周祭

伯來公子益師卒二年春公會戎于潛司空無駭帥師入極附極

庸小秋八月公及戎盟于唐冬十有二月夫人子氏薨公羊子氏隱公

母穀梁隱公妻詳魯傳三年春三月平王崩桓王立夏四月尹氏卒左傳

氏聲子也不赴于諸侯不反哭于寢不祔于姑故不曰薨不稱

夫人故不言葬不書姓為公故曰君氏公羊傳尹氏天子之大

夫也○按左氏傳尹氏作君氏以為隱公母聲子為公故曰君

氏是變文書之以成公之志也然以夫人子氏為桓公母仲子

之說不通則子氏非隱母即隱妻也子氏為隱母隱妻則君氏

不得為隱母矣公羊作尹氏以為天子之大夫天王崩諸侯之

主故卒之然終春秋唯卒王子虎劉卷尹氏何所系而獨卒之

竊意隱公之見獲于鄭也囚諸尹氏賂尹氏而禱于其主鍾巫

遂與尹氏歸而立其主然則尹氏者或即鄭大夫周武氏子來

既歸魯當視魯大夫且德之故卒之未可知也

魯世家卷一

求賻王未葬故四年夏公及宋公遇于清秋公子翬帥師會宋公陳

侯蔡人衛人伐鄭宋公來乞師公辭之翬固請而行五年春公矢魚于棠公子

彊諫即臧僖伯不聽秋九月考仲子之宮初獻六羽諸侯無二嫡隱公成父之志為

仲子別立宮鄭伐宋宋使來告命公將救之問于使者曰師何及對

曰未及國公怒乃止冬十二月公子彊卒公曰叔父有憾于寡

人恨諫觀魚不聽寡人弗敢忘葬之加一等六年春鄭人來渝平和而不盟

曰平公為公子戰于狐壤為鄭所執逃歸怨鄭鄭伐宋公怒宋使者不救宋鄭因此而來渝平夏五月公會齊

侯盟于艾冬京師來告饑公為之請糴于宋衛齊鄭七年夏城

中邱齊侯使其弟夷仲年來聘秋公伐邾冬天王使凡伯卿士來

聘八年春三月鄭伯使宛來歸祊庚寅我入祊鄭伯請釋泰山之祀而祀周公

以泰山之祊易許田許田成王賜周公朝宿之邑後立周公別廟祊鄭助祭泰山湯沐之邑鄭以天子不能復巡守故欲以祊

易許田各從本國之所近秋九月公及莒人盟于浮來成紀好也二年紀莒盟于密為

魯故今冬十有二月無駭卒九年春天王使南季天子大夫來聘三

月挾卒魯大夫夏城郎冬公會齊侯于祊謀伐宋十年公會齊侯鄭

伯于中邱夏公子翬帥師會齊人鄭人伐宋六月公會齊侯鄭

伯于老桃壬戌敗宋師于菅辛未取郟辛巳取防十一年春薛

侯滕侯來朝爭長薛曰我先封滕曰我周之卜正也不可以後

之公使公子翬請于薛曰君與滕君辱在寡人周諺有之曰山

有木工則度之賓有禮主則擇之周之宗盟異姓為後寡人若

朝于薛不敢與諸任齒君若辱貺寡人則願以滕君為請薛侯

朝于薛不敢與諸任齒君若辱貺寡人則願以滕君為請薛侯

許之乃長滕侯夏公會鄭伯于時來即邾謀秋七月公及齊侯

鄭伯入許齊侯以許讓公公曰君謂許不共故從君討之許既

伏其罪矣雖君有命寡人弗敢與聞乃與鄭人公子翬請殺桓

公將以求大宰公曰為其少故也吾將授之矣使營菟裘吾將

老焉翬懼反譖公于桓公而請弑之公之為公子也與鄭人戰

于狐壤止焉內諱獲故言止鄭人囚諸尹氏賂尹氏而禱于其主鍾巫

遂與尹氏歸而立其主冬十一月公祭鍾巫齊于社圃館于窻

氏翬使賊弑公于窻氏而立桓公左傳公在位十一年謚曰隱

桓公

桓公名軌史記名允惠公大子元年春正月公即位三月公會鄭伯

于垂鄭伯以璧假許田公修好于鄭鄭人請復祀周公卒易祊夏四月公及鄭伯

盟于越結祊成也二年春滕子來朝三月公會齊侯陳侯鄭伯于稷

以成宋亂宋督弑其君與夷宋以郟大鼎賂公夏四月取郟大鼎納于

大廟秋七月杞侯來朝不敬九月入杞討不敬也公及戎盟于唐脩舊

好也三年春正月公會齊侯于贏成昏于齊夏六月公會杞侯于

郕秋公子翬如齊逆女齊侯送姜氏于謹公會齊侯于謹夫人

姜氏至自齊冬齊侯使其弟年來聘致夫人也四年春正月公狩于

郎夏天王使宰渠伯糾來聘五年夏天王使仍叔之子來聘城

祝邱齊鄭將襲紀故六年春正月州公實來夏四月公會紀侯于成紀來

諸謀齊難北戎伐齊諸侯救之鄭公子忽有功焉齊人餽諸侯使魯

次之魯以周班後鄭鄭人怒我懼秋八月大閱九月子同生冬紀侯來朝請王命以求成七年春二月焚咸邱火田也公羊穀

于齊公告不能也火攻夏穀伯綏鄧侯吾離來朝八年天王使家父來聘冬十月

祭公來遂逆王后于紀王使魯主昏九年冬曹伯使其世子射

姑來朝賓之以上卿十年公會衛侯于桃邱弗遇鄭人怒我

請師于齊齊以衛師助之冬十二月齊侯衛侯鄭伯來戰于郎

十一年柔大會宋公陳侯蔡叔盟于折公會宋公于夫鍾冬又

會于闕十二年夏六月公會杞侯莒子盟于曲池公欲平宋鄭

秋七月公會宋公燕人盟于穀邱宋成未可知也故又會于虛

冬又會于龜宋公辭平故與鄭伯盟于武父十二月及鄭師伐

宋戰于宋十三年春二月公會紀侯鄭伯及齊侯宋公衛侯燕

人戰齊宋衛燕敗績鄭人來請修好十四年春正月公會鄭伯

于曹夏鄭伯使其弟語來盟十五年春二月天王使家父來求

車三月桓王崩子莊王立夏五月公會齊侯于艾許叔入于

人牟人葛人來朝鄭伯突出奔蔡入于櫟冬公會宋公衛侯陳

侯于袤伐鄭將納厲公弗克而還十六年公會宋公蔡侯衛侯

于曹謀伐夏會伐鄭冬城向十七年春正月公會齊侯紀侯盟

于黃二月公會邾儀父盟于雒尋茂盟茂盟夏及齊師戰于奚

疆事也齊人侵魯疆疆吏來告公曰疆場之事慎守其一而備

其不虞姑盡所備焉事至而戰又何謁焉十八年春正月公將

有行遂與姜氏如齊申繻諫不聽公會齊侯于濼遂及文姜如齊齊侯通焉公謫之以告夏四月丙子享公使公子彭生乘公公薨于車魯人告于齊曰寡君畏君之威不敢寧居來修舊好禮成而不反無所歸咎惡于諸侯請以彭生除之齊人殺彭生冬十二月葬桓公左傳公在位十八年謚曰桓

莊公

莊公桓公太子桓公六年九月丁卯公生以太子之禮舉之接

以大牢卜士負之士妻食之

禮世子生三日卜士負之射人以桑弧蓬矢射天地四方卜士之妻

為乳公與文姜宗婦命之

世子生三月君夫人沐浴于外寢立于阼階西鄉世婦抱子升自西階君

命之公問名于申繻對曰不以國不以官不以山川不以隱疾

不以畜牲不以器幣公曰是其生也與吾同物命之曰同桓公

薨于齊公即位元年春三月魯人責文姜文姜孫于齊尋復歸

魯經傳夏單伯

天子

送王姬

將嫁女于齊命魯為主

秋築王姬之館于外

桓公之薨魯不能讐齊又喪制未闕故異其禮

冬十月王使榮叔

周大夫

來錫桓公命二

年夏公子慶父帥師伐于餘邱國名冬十二月文姜會齊侯于禚

三年春正月溺大夫會齊師伐衛冬公次于滑將會鄭伯謀紀齊

滅紀四年春正月文姜享齊侯于祝邱冬公及齊人狩于禚五

年夏文姜如齊師秋郟犁來來朝冬公會齊宋陳蔡伐衛納惠

公六年冬齊人來歸衛寶文姜請之也七年春文姜會齊侯于

防冬又會于穀八年春正月將伐郟師次于郎以俟陳人蔡人

甲午治兵夏師及齊師圍邾邾降于齊師仲慶父請伐齊師公
曰不可我實不德齊師何罪罪我之由夏書曰臯陶邁種德德
乃降姑務修德以待時乎秋師還齊無知弒襄公公子糾來奔
九年春齊人殺無知公及齊大夫盟于莒夏公伐齊納子糾齊
小白入于齊秋八月及齊師戰于乾時我師敗績公喪戎路傳
乘而歸乃殺子糾于生竇十年春正月齊師伐我戰于長勺齊
師敗績二月公侵宋夏六月齊師宋師次于郎公子偃犯宋師
公從之大敗宋師于乘邱齊師乃還十一年夏五月宋侵我公
禦之敗諸郟秋宋大水公使弔之冬齊侯來逆共姬王姬也魯主昏十
二年莊王崩經傳不書子僖王立十三年冬公會齊侯盟于柯十五

年夏文姜如齊十六年冬十二月會諸侯

齊宋陳衛鄭許滑滕

同盟于幽

十七年僖王崩

經傳不書

孫惠王立十八年夏戎侵我公追戎于濟

西十九年秋公子結

大勝陳人之婦

于郵遂及齊侯宋公盟文

姜如莒周王子頹伐王不克出奔溫衛師燕師伐周立子頹二

十年春王處于鄭二月文姜如莒二十一年春鄭伯虢叔同伐

王城殺王子頹納王秋七月文姜薨二十二年春正月肆大眚

葬我小君文姜秋七月及齊高偃盟于防冬公如齊納幣

結昏于齊

而親納幣

二十三年春周祭叔來聘夏公如齊觀社曹劌諫不聽荆

人來聘公及齊侯遇于穀秋丹桓宮楹冬十二月公會齊侯盟

于扈二十四年春三月刻桓宮楹夏公如齊逆女秋八月夫人

姜氏入也哀姜大夫宗婦覲用幣二十五年春陳女叔來聘冬公

子友如陳二十六年春公伐戎秋公會宋人齊人伐徐二十七

年春公會杞伯姬女公于洮夏六月公會諸侯齊宋陳鄭同盟于幽秋

公子友如陳葬原仲冬杞伯姬來莒慶莒大夫來逆叔姬女公杞伯

來朝公會齊侯于城濮二十八年秋荆伐鄭公會齊人宋人救

鄭冬築郟大無麥禾減孫辰告糴于齊二十九年春新延廐不書

時也凡馬日中而出日中而入日中春秋分也冬十二月城諸及防三十年夏次于成

將卑師少故曰次齊將降郟故設備冬公及齊侯遇于魯濟謀山戎也三十一年春築

臺于郎夏築臺于薛六月齊侯來獻戎捷秋築臺于秦三十二

年春城小穀為管仲也公感其德故城其私邑秋八月公薨于路寢公疾問後

于叔牙對曰慶父材問于季友對曰臣以死奉般莊公公曰鄉

者牙曰慶父材季友乃醜殺叔牙立子般冬十月慶父賊子般

季友奔陳慶父懼出適齊國人立庶子啟方是為閔公左傳公在

位三十二年謚曰莊閔公無及也母曰哀風公子文之孫也

閔公

閔公名啟方史記作開莊公庶子子般遇弒公即位年八歲杜預元

年夏六月葬莊公子般之弒也季友奔陳秋八月公及齊侯盟

于落姑請復季友齊侯許之召諸陳公次于郎以待之季友來

歸冬齊仲孫湫來省難故公羊穀梁並以齊仲孫為公子慶父非是二年夏五月吉禘

于莊公三年喪畢致新主于廟遠主遷祧因是大祭以審昭穆謂之禘莊公喪制未闕時別立廟廟成而吉祭不於大

廟秋八月公薨初公傳奪卜齧夫大田公不禁慶父使卜齧賊公

于武闈季友以公庶兄申適邾慶父奔莒乃入立之季友求慶

父于莒慶父縊而死慶父通于哀姜哀姜欲立之公之死也哀

姜與知之九月哀姜孫于邾冬齊高傒來盟左公羊傳桓公使

甲立僖公而城魯公在位二年謚曰閔齊公昭公平人

僖公

僖公名申莊公之子閔公庶兄也母曰成風公子友之將生也

桓公使卜楚邱之父卜之曰男也其名曰友在公之右間于兩

社為公室輔季氏亡則魯不昌成風聞公子友之繇乃事之而

屬公焉故友立之元年秋八月公會諸侯齊宋鄭曹邾于榿九月公

敗邾師于偃虛邱之戍將歸者也虛邱邾地邾人既送哀姜還齊人殺哀姜邾人因戍虛邱

欲以侵魯至是歸公要而敗之冬莒人來求賂求還慶父之賂公子友敗諸鄆獲莒子

之弟挈哀姜之孫于邾也齊人取而殺之于夷以其尸歸公請

而葬之冬十二月哀姜之喪至自齊二年夏五月葬我小君哀

姜三年齊侯為陽穀之會來尋盟秋會于陽穀謀伐楚冬公子友如齊涖

盟四年春正月公會諸侯齊宋陳衛鄭許曹侵蔡蔡潰遂伐楚次于陘

楚屈完來盟于師盟于召陵冬公孫茲會諸侯之師齊宋衛鄭許曹侵

陳陳成五年春杞伯姬來朝其子夏公孫茲如牟娶焉公及諸

侯齊宋陳衛鄭許曹會王世子於首止秋八月諸侯盟于首止鄭伯逃

歸不盟惠王將廢大子鄭而立王子帶故齊桓帥諸侯會大子以定其位六年夏公會諸侯齊宋

陳衛 伐鄭圍新城七年夏小邾子來朝秋七月公會諸侯齊宋陳鄭

盟于甯母謀鄭故公子友如齊聘閏月惠王崩襄王惡大叔帶之

難懼不立不發喪八年春正月公會王人諸侯齊宋衛許曹陳盟于洮

鄭伯乞盟請服也襄王定位而後發喪九年夏公會宰周公諸侯

齊宋衛于葵邱秋九月諸侯盟于葵邱十年春正月公如齊十

一年公及夫人姜氏會齊侯于陽穀十三年夏公會諸侯齊宋陳衛

鄭許曹于鹹淮夷病杞故且謀王室冬公子友如齊十四年夏六

月季姬及鄆子遇于防使鄆子來朝季姬魯女鄆夫人也季姬來寧公怒止之以鄆子之不朝也夏遇于防而使來朝

十五年春正月公如齊楚人伐齊公羊非使來朝使來請已也

三月公會諸侯齊宋陳衛鄭許曹盟于牡邱謀救徐遂次于匡公孫敖帥

師及諸侯之大夫救徐十六年春三月公子友卒秋七月公孫

茲卒冬十二月公會諸侯齊宋陳衛鄭許邢曹于淮謀鄆且東畧也鄆十為淮夷所病故

七年夏滅項淮之會公有諸侯之事未歸而取項齊人以為討

止公公羊穀梁並作齊滅項秋夫人姜氏會齊侯于卞聲姜會齊以請公九月公

至自會十八年春正月宋曹衛邾伐齊夏師救齊十九年冬會

陳蔡楚鄭盟于齊修桓公之好也楚始與夏盟二十年春新作南門夏鄆子

來朝姬姓國二十一年夏大旱公欲焚巫尪滅孫辰諫從之邾人

滅須句須句子來奔須句大皞之後成風僖公之母須句之女故因之冬公伐邾二十

二年春公伐邾取須句反其君秋八月及邾人戰于升陘我師

敗績二十四年夏王子帶以狄師攻王王出居于鄭冬王使來

告難曰不穀不德得罪于母弟之寵子帶鄙在鄭地汜敢告叔

父臧孫辰對曰天子蒙塵于外敢不奔問官守二十五年夏四

月王入于王城殺王子帶冬十二月公會衛子莒慶盟于洮

平莒于我也二十六年春正月公會莒子衛甯速盟于向

尋洮之盟齊人侵我西鄙公追齊師至鄆弗及夏齊人伐我北鄙衛人伐齊公

使展喜犒師齊師乃還公子遂臧孫辰如楚乞師辰見得臣

夫道之伐齊宋冬楚伐宋圍緡公以楚師伐齊取穀寘桓公子

雍于穀易牙奉之以為魯援二十七年春杞子來朝公卑杞杞

不共也秋公子遂帥師入杞冬十二月公會諸侯

楚陳蔡鄭許盟于宋二十八春晉伐衛公子買戍衛楚人救衛不克公懼于晉

殺買謂楚人曰不卒戍也夏五月公會諸侯

晉齊宋蔡鄭衛莒盟于踐土陳侯如會公朝于王所

王在踐土秋公子遂如齊冬公會諸侯

晉齊九年春介葛盧來朝夏公會王子虎諸侯之大夫

晉宋齊陳秦盟于翟泉

尋踐土之盟且謀伐鄭冬介葛盧來三十年冬天王使宰周公來聘

公子遂如京師遂如晉三十一年春取濟西田公子遂如晉三

十三年春齊使國歸父來聘夏公伐邾取訾婁秋公子遂帥師

伐邾冬十月公如齊十二月公薨于小寢

左傳在位三十三年謚曰僖

文公名興僖公之子也元年春正月公即位二月天王使叔服來會葬夏四月葬僖公天王使毛伯來錫公命叔孫得臣如京師秋公孫敖會晉侯于戚冬十月公孫敖如齊二年春一月作僖公主三月晉以公不朝來討公如晉夏四月及晉處父盟六月公孫敖會諸侯宋陳晉士穀盟于垂隴秋八月大事于大廟躋僖公大事禘也躋僖公于閔公上逆祀也冬公子遂如齊納幣三年春正月叔孫得臣會晉宋陳衛鄭伐沈沈潰夏五月王子虎卒冬公如晉及晉侯盟四年夏逆婦姜于齊秋衛使甯俞來聘冬十一月夫入成風薨五年春正月王使榮叔歸含且賵三月葬我小君成風王使召伯來會葬公羊作毛伯夏公孫敖如晉六年夏季孫行父

如陳

聘于陳且娶焉

秋季孫行父如晉冬十月公子遂如晉葬晉襄公

七年春公伐邾三月取須句寘邾文公子

文公子叛在魯故公使為守須句大夫

遂城郟夏狄侵我西鄙秋八月諸侯

齊宋衛陳鄭許曹

晉大夫趙盾盟于

扈

晉靈公立故

公後至冬公孫敖如莒涖盟

徐伐莒莒人來請盟

八年秋八月

襄王崩子頃王立晉人以扈之盟來討冬公子遂會晉趙盾盟

于衡雍公子遂會雜戎盟于暴公孫敖如京師不至而奔莒宋

殺其大夫司馬司城蕩意諸來奔公以其官逆之皆復之

卿違從

夫公賢其効節故以本官逆之

九年春周毛伯衛來求金二月叔孫得臣如京

師葬襄王楚伐鄭公子遂會晉宋衛許救鄭冬楚使越椒來聘

秦人來歸僖公成風之祿十年春三月滅孫辰卒秋七月及周

蘇子盟于女栗

頃王立故

十一年夏叔仲彭生會晉卻缺于承筐

謀諸

侯之從于楚者

秋曹伯來朝公子遂聘于宋狄侵齊遂伐我冬十月叔

孫得臣敗狄于鹹十二年春正月邾伯來奔

邾伯卒邾人立君大子來奔公以諸

侯禮逆之

杞伯來朝秋滕伯來朝秦使西乞術來聘

將伐晉故冬十二月

季孫行父帥師城諸及鄆十三年秋七月大室屋壞冬公如晉

衛侯會公于沓

請平于晉

公還自晉鄭伯會公于棗

亦請平于晉公皆成之十

四年春頃王崩子匡王立邾伐我叔仲彭生帥師伐邾夏六月

公會諸侯

宋衛鄭許曹晉趙盾

同盟于新城

從楚者服且謀納邾捷菑

秋九月公孫敖

卒于齊宋子哀來奔冬齊人執子叔姬

叔姬魯女齊侯舍之母公子商人弒舍公子遂

請以王寵求子叔姬冬單伯如齊請齊人執之又執子叔姬

十五年春季孫行父如晉

為單伯與

子叔姬故

夏曹伯來朝六月周單伯至自齊

齊人許單伯請而赦之使來致命

秋齊

人侵我西鄙季孫行父如晉冬十二月齊人來歸子叔姬齊侯

侵我西鄙遂伐曹

討其朝魯

十六年春季孫行父會齊侯于陽穀齊

侯弗及盟

及齊平公有疾使行父會于陽穀請盟齊侯曰請俟君間

夏五月公四不視朔六

月公子遂及齊侯盟于鄆邱秋八月夫人聲姜薨

文公母

毀泉臺

有蛇自泉宮出如先君之數八月聲姜薨毀泉臺

十七年夏四月齊侯伐我北鄙六月

公及齊侯盟于穀冬十月公子遂如齊

拜穀之盟

十八年春二月公

薨于臺下夏六月葬我君文公

左傳

在位十八年謚曰文

宣公

宣公名倭一名接

又作委

文公取于齊曰出姜出姜生大子惡及

弟視二妃敬嬴生宣公敬嬴嬖而私事公子遂宣公長而屬諸
遂遂欲立之叔仲彭生不可文公十八年薨秋公子遂叔孫得
臣如齊遂見于齊侯而請之齊侯新立欲親魯許之冬十月遂
殺惡及視而立宣公召叔仲彭生而殺之出姜歸于齊季孫行
父如齊元年春正月公即位公子遂如齊逆女三月遂以夫人
婦姜至自齊夏季孫行父如齊納賂以請會公會齊侯于平州纂立者諸
侯既與之會則不得復討故會齊侯以定公位夏六月齊人取濟西田賂齊也秋邾子來
朝二年匡王崩弟定王立四年春正月公及齊侯平莒及邾莒
人不肯公伐莒取向秋公如齊五年春公如齊高固使齊侯止
公請叔姬秋九月齊高固來逆叔姬叔孫得臣卒冬齊高固及

子叔姬來

反馬也禮送女留其送馬謙不敢自安三月廟見遣使反馬

七年春衛侯使孫良

夫來盟夏公會齊侯伐萊冬公會諸侯

晉宋衛鄭曹

于黑壤晉侯

成公

之立也公不朝又不使大夫聘晉人止公于會盟于黑壤公不

與盟以賂免八年夏六月公子遂如齊至黃乃復卒于垂夫人

敬嬴薨

宣公母

冬十月葬我小君敬嬴城平陽九年春正月公如

齊王使來徵聘夏仲孫蔑如京師秋取根牟

東夷國

十年春公如

齊齊人歸我濟西田

以我服故

夏齊惠公卒公如齊六月公孫歸父

如齊葬齊惠公秋天王使王季子來聘公孫歸父帥師伐邾取

繹季孫行父如齊冬公孫歸父如齊

伐邾故

齊侯使國佐來聘十

一年夏公孫歸父會齊人伐莒十四年冬公孫歸父會齊侯于

穀楚圍宋仲孫蔑言于公曰小國之免于大國也聘而獻物今
楚在宋君其圖之公說十五年春公孫歸父會楚子于宋秋仲
孫蔑會齊高固于無婁初稅畝公田之法十取其一今又履其餘畝復十收其一十七
年夏六月公會諸侯晉衛曹邾同盟于斷道冬公弟叔盼卒十八年
春公伐杞夏公使如楚乞師欲以伐齊秋公孫歸父如晉謀以
晉人去三桓以張公室冬十月公薨于路寢歸父奔齊左傳公在
位十八年謚曰宣

成公

成公名黑肱宣公子元年春正月公即位二月葬宣公三月作

邱甲周禮十六井為邱出戎馬一匹牛三頭四邱為甸出長轂一乘戎馬四匹牛十一頭甲士三人步卒七十二人今使

邱出甸賦夏滅孫許及晉侯盟于赤棘間齊將出楚師秋王師敗績于茅戎

來告敗二年春齊侯伐我北鄙取龍遂侵巢邱夏六月季孫行

父滅孫許叔孫僑如公孫嬰齊帥師會晉衛曹及齊侯戰于鞏

齊師敗績秋七月及齊國佐盟于袁婁公會晉師于上鄆賜三

帥郤克士燮先路三命之服司空輿帥侯正亞旅皆受一

命之服八月取汶陽田晉使齊歸我初宣公求好于楚莊王卒宣公

薨不克作好公即位受盟于晉會晉伐齊故楚救齊冬楚師侵

衛遂侵我師于蜀使臧孫許往辭曰楚固將退矣楚侵及陽橋

仲孫蔑請往賂之以執斷執鍼織紵皆百人公衡成公為質以

請盟楚人許平冬十一月公會楚公子嬰齊于蜀丙申公及諸

侯之大夫楚秦宋陳衛鄭盟于蜀楚師及宋公衡逃歸三年春

正月公會諸侯晉宋衛曹伐鄭二月新宮災宣公廟三日哭夏公如晉

拜汶陽之田秋叔孫僑如帥師圍棘汶陽田之邑棘不服故冬十一月晉侯使

荀庚來聘衛侯使孫良夫來聘并尋宣七年盟丙午及荀庚盟丁未及

孫良夫盟四年春宋公使華元來聘宋共公立通嗣君也三月杞伯來朝

夏四月滅孫許卒公如晉晉侯見公不敬秋公至自晉欲求成

于楚而叛晉季孫行父諫乃止冬城鄆五年春正月杞叔姬來

歸仲孫蔑如宋報華元也夏叔孫僑如會晉荀首于穀冬十一月定

王崩子簡王立十二月公會諸侯晉齊宋衛鄭曹邾杞同盟于蟲牢鄭服也

六年春二月立武宮以葦之功取鄆附庸國夏六月邾子來朝公孫嬰

齊如晉秋仲孫蔑叔孫僑如帥師侵宋晉命也冬季孫行父如晉

賀遷新田七年夏五月曹伯來朝秋楚伐鄭公會諸侯晉齊宋衛曹邾杞救

鄭八月同盟于馬陵尋蟲牢盟且莒服故八年春晉侯使韓穿來言汶陽

之田歸之于齊公孫嬰齊如莒宋公使華元來聘聘共夏宋公

使公孫壽求納幣秋七月天王使召伯來賜公命諸侯即位天子賜以命圭

與之合瑞冬十月杞叔姬卒晉侯使士燮來聘言伐鄭也叔孫僑如會晉

齊邾伐邾衛人來媵媵宋共姬九年春正月杞伯來逆叔姬之喪以

歸公會諸侯晉齊宋衛鄭曹莒杞同盟于蒲歸齊汶陽之田諸侯貳故二月伯姬歸于

宋夏季孫行父如宋致女晉人來媵冬十一月城中城十年夏

五月公會諸侯晉齊宋衛曹伐鄭晉執鄭伯鄭立大子髡頑故伐鄭以歸其君晉景公卒

秋公如晉晉人止公使送葬十一月春三月晉侯使卻犇來聘

及卻犇盟晉人以公貳于楚故止公公請受盟而後使歸故來聘且涖盟夏季孫行父如晉秋

叔孫僑如如齊十二年夏公會諸侯晉衛于瑣澤宋合晉楚之成故十三

年春晉侯使卻錡來乞師將伐秦也三月公如京師夏五月公自京

師遂會諸侯晉齊宋衛鄭曹邾滕伐秦十四年秋叔孫僑如如齊逆女九

月僑如以夫人婦姜氏至自齊十五年春三月仲嬰齊卒公會

諸侯晉衛鄭曹宋齊邾同盟于戚討曹成公冬十一月叔孫僑如會諸侯之

大夫晉齊宋衛鄭邾會吳于鍾離始通吳十六年夏晉伐鄭使欒黶來乞

師鄭聞之使告于楚楚救鄭六月戰于鄢陵楚鄭敗績戰之日

公出于壞隕會叔孫僑如通于穆姜成公母欲去季孫行父仲孫

蔑而取其室將行穆姜送公使逐行父蔑公待于壞隕申宮做

備設守而後行是以後僑如賂晉卻犇訴公于晉秋公會諸侯

晉齊衛宋邾于沙隨謀伐鄭也晉侯不見公七月公會周尹子及諸侯晉齊

伐鄭將行穆姜又命公如初公又申守而行諸侯之師次于

鄭西我師次于督揚不敢過鄭請逆于晉師師至諸侯遷于制

田又遷于潁上鄭宵軍之宋齊衛皆失軍叔孫僑如又譖季孟

于卻犇九月晉人執季孫行父舍之于茗邱公還待于鄆使公

孫嬰齊請行父于晉晉許魯平赦行父冬十月叔孫僑如出奔

齊十二月季孫行父及晉卻犇盟于扈歸刺公子偃偃公庶弟與謀故魯

殺大夫皆言刺義取周禮三刺之法十七年夏公會周尹子單子及諸侯晉齊宋衛曹邾

伐鄭六月同盟于柯陵尋戚盟楚救鄭諸侯還九月晉侯使荀營

來乞師復伐鄭冬公會周單子及諸侯前諸侯伐鄭十月圍鄭楚救

鄭諸侯還十八年春公如晉朝嗣君悼公晉侯使士匄來聘秋杞伯

來朝八月邾子來朝築鹿囿公薨于路寢冬十二月葬成公左傳

在位十八年謚曰成

襄公

襄公名午成公子成公十八年薨公即位年四歲是年夏楚鄭

侵宋納宋魚石入于彭城冬晉侯使士魴來乞師十二月仲孫

蔑會諸侯晉宋衛邾齊同盟于虛朶謀救宋襄公元年春仲孫蔑會諸

侯之大夫晉宋衛曹邾齊滕薛圍宋彭城夏晉伐鄭蔑會齊曹邾莒次于

鄆以待晉師晉以鄆之師侵楚焦夷及陳秋九月簡王崩子靈

王立邾子來朝冬衛公孫剽晉荀營來聘二年夏五月齊姜薨

襄公適母秋七月仲孫蔑會諸侯之大夫晉宋衛曹邾于戚鄭叛晉故已丑葬

齊姜齊侯使諸姜宗婦來送葬叔孫豹如宋冬仲孫蔑會諸侯

之大夫晉齊宋衛曹邾滕薛小邾于戚遂城虎牢鄭人乃成三年春公如晉

夏公及晉侯盟于長檣六月公會周單子及諸侯晉宋衛鄭莒邾齊同

盟于雞澤陳侯使袁僑如會戊寅叔孫豹及諸侯之大夫及陳

袁僑盟四年夏叔孫豹如晉報荀營聘秋七月定姒薨襄公母八月葬

定姒冬公如晉請屬鄆許之邾人莒人伐鄆臧孫紇救鄆侵邾

敗于狐貍五年夏鄭伯使公子發來聘叔孫豹鄆世子巫如晉

以成屬鄆也仲孫蔑衛孫林父會吳于善道秋九月公會諸侯

晉宋陳衛鄭曹莒于戚會吳也冬成陳十一月楚伐陳公會諸侯

邾滕薛齊吳鄆救陳季孫行父卒六年秋滕子來朝冬叔孫豹如邾聘

莒滅鄆晉人來討季孫宿如晉見且聽命七年春邾子來朝夏

四丹小邾子來朝季氏城費季氏始強秋季孫宿如衛報公孫剽之聘冬十

月衛使孫林父來聘壬戌及孫林父盟楚圍陳十二月公會諸

侯晉宋陳衛曹莒邾于鄆以救陳八年夏五月季孫宿會諸侯及諸侯

之大夫晉侯鄭伯齊宋衛邾于邢邱莒人伐我東鄆疆鄆田也冬晉侯使士匄

來聘告將伐鄭九年夏季孫宿如晉報聘也五月穆姜薨于東宮

成公母穆姜淫僑如故徙居東宮事在成十六年秋八月葬穆姜冬十月公會諸侯晉宋

衛曹莒邾滕薛杞小邾齊伐鄭十二月同盟于戲公送晉侯晉侯宴公于河

上問公年季孫宿對曰會于沙隨之歲寡君以生晉侯曰十二

年矣是謂一終一星終也歲星十二歲一周天國君十五歲而生子冠而

生子禮也大夫盍為冠具宿對曰君冠必以裸享之禮行之以

金石之樂節之以先君之祧處之今寡君在行未可具也請及

兄弟之國而假備焉晉侯曰諾公還及衛冠于成公之廟假鐘

磬焉禮也十年春公會諸侯晉宋衛曹莒邾滕薛杞小邾齊會吳于祖夏五月

遂滅偃陽國如姓秋七月楚鄭侵我西鄆還克蕭宋邑莒人伐我東

鄙公會諸侯前諸侯伐鄭諸侯之師城虎牢而戍之會楚救鄭諸

宿作三軍三分公室而各有其一夏四月公會諸侯前諸侯伐鄭

鄭成秋七月同盟于亳城北楚鄭伐宋九月公會諸侯前諸侯復

伐鄭鄭成冬十二月會于蕭魚十二年春莒人伐我東鄙圍台

季孫宿救台遂入鄆夏晉士魴來聘且拜師冬公如晉朝且拜

聘十三年夏取邾小國邾亂分為三遂取之冬城防十四年春正月季孫宿

叔老會諸侯之大夫晉齊宋衛鄭曹莒邾滕薛杞小邾會吳于向為吳謀楚也夏四

月叔孫豹會諸侯之大夫晉齊宋衛鄭曹莒邾滕薛杞小邾伐秦衛孫林父出

其君獻公立公孫剽公使厚孫瘠弔于衛衛侯在萊臧孫紇如

齊唁冬季孫宿會諸侯之大夫晉宋衛鄭莒邾于戚謀定位也十五年春宋

向戌來聘二月及向戌盟于劉夏齊侯伐我北鄙圍成公救成

至遇季孫宿叔孫豹城成郟秋邾人伐我南鄙十六年春三月

公會諸侯晉宋衛鄭曹莒邾薛杞小邾于溴梁戊寅大夫盟齊侯伐我北鄙

夏五月叔老會鄭伯及晉衛宋伐許秋齊侯伐我北鄙圍郕冬

叔孫豹如晉聘且言齊故十七年秋齊侯伐我北鄙圍桃高厚

伐我北鄙圍防冬邾人伐我南鄙為齊故十八年春白狄來秋齊

師伐我北鄙冬十月公會諸侯晉宋衛鄭曹莒邾滕薛杞小邾同圍齊平陰齊

師遁十一月入平陰遂東侵及濰南及沂十九年春正月諸侯

前諸侯盟于祝柯晉人執邾子以其伐我故遂次泗上疆我田取

邾田自澗水歸之于我晉侯先歸公享晉六卿于蒲圃賜之三

命之服軍尉司馬司空輿尉候奄皆受一命之服賄荀偃束錦

加壁乘馬先吳壽夢之鼎季孫宿如晉拜師宿作林鐘銘魯功

秋八月仲孫蔑卒冬城西郭叔孫豹會晉士甸于柯城武城齊懼

也二十年春正月仲孫速會莒人盟于向及莒夏六月公會諸

侯晉齊宋衛鄭曹莒盟于澶淵秋仲孫速伐邾叔老如齊冬季

孫宿如宋報十五年二十一年春正月公如晉拜師及取洙田

邾庶其以漆閭邱來奔冬十月曹伯來朝公會諸侯晉齊宋衛

于商任欒盈亂晉出奔會二十二年春滅孫紇如晉秋七月叔

老卒冬公會諸侯晉齊宋衛鄭曹于沙隨復錮二十三年夏邾

畀我庶其來奔秋八月叔孫豹救晉次于雍榆欒盈復仲孫速

卒冬十月滅孫紇出奔邾紇為季孫宿立少子紇而廢長子彌

而出孺子秩與羯搆滅孫紇于季孫季孫怒攻滅氏二十四年春叔孫豹如晉仲孫羯侵

齊為晉秋公會諸侯晉宋衛鄭曹莒于夷儀將伐齊冬叔孫豹

如京師齊人城邾約大饑二十五年春齊崔杼伐我北鄙報羯

夏五月公會諸侯前諸于夷儀伐齊齊弒莊公請成許之秋七

月諸侯同盟于重邱二十六年夏晉荀吳來聘將討六月公會

諸侯之大夫晉宋于澶淵衛孫林父逐獻公立殤公剽甯喜弒

喜又執二十七年春齊慶封來聘夏叔孫豹會諸侯之大夫晉

獻公于宋宋向戌請于晉秋七月豹及諸侯之大夫盟于宋

蔡衛陳于宋楚弭諸侯之兵秋七月豹及諸侯之大夫盟于宋

二十八年夏邾子來朝秋八月仲孫羯如晉告將冬齊慶封來

奔齊人來讓封奔吳十一月公如楚靈王崩經書十二月子景

王立二十九年公在楚適楚子卒楚人使公親禭公患之叔孫豹曰被殯而禭則布幣也禮君臨臣喪乃被殯乃使巫以桃茆先被殯楚

人弗禁既而悔之檀弓夏六月仲孫羯會諸侯之大夫晉齊宋衛鄭曹

莒滕薛小邾城杞晉士鞅來聘拜城杞子來盟吳子札來聘冬仲孫

羯如晉報上三十年春正月楚遠罷來聘夏五月宋災共姬卒

秋七月叔弓如宋葬宋共姬為宋災故諸侯之大夫謀歸宋財

冬十月叔孫豹會諸侯之大夫晉齊宋衛鄭曹莒邾滕薛杞小邾于澶淵既而

無歸于宋三十一年公自楚歸作楚宮夏六月公薨于楚宮左傳

在位三十一年謚曰襄

昭公

昭公名稠襄公之庶子也襄公三十一年薨立胡女敬歸之子

子野次于季氏是年秋九月卒毀瘠滅性立敬歸之弟齊歸之子稠

是為昭公叔孫豹不欲曰年鈞擇賢義鈞則卜古之道也非適

嗣何必娣之子且是人也居喪而不哀在感而有嘉容是謂不

度不度之人鮮不為患若果立之必為季氏憂季孫宿不聽卒

立之于是公十九年矣猶有童心比葬三易衰衰衽如故衰冬

十月滕子來會葬癸酉葬襄公昭公元年春叔孫豹會諸侯之

大夫晉楚齊宋衛陳蔡鄭許曹于虢尋宋盟也三月季孫宿伐莒取鄆莒人告于

會楚請戮豹晉趙武請之乃免秋叔弓帥師疆鄆田二年春晉

韓起來聘夏叔弓如晉報韓起也冬晉少姜晉平公妾卒公如晉晉辭曰

非伉儷也公至河乃復季孫宿致服焉三年夏叔弓如滕葬滕成公

秋小邾子來朝四年秋九月取鄆莒亂不撫鄆鄆叛而來冬十二月叔孫

豹卒五年春正月舍中軍襄十一年作三軍今毀之初作中軍三分公室而

各有其一季氏盡征之叔孫氏臣其子弟以父兄歸公孟氏取其半

焉及其舍之也四分公室季氏擇二二子各一皆盡征之而貢

于公公如晉夏莒牟夷以牟婁及防茲來奔莒人愬于晉晉人

欲止公士鞅不可乃歸公秋七月莒人來討叔弓敗諸蚡泉六

年夏季孫宿如晉冬叔弓如楚聘且弔為吳所敗七年楚子成章華之

臺願與諸侯落之大宰遠啟疆來召公春三月公如楚鄭伯勞

于師之梁楚子享公于新臺好以大屈弓名既而悔之遠啟疆見

公賀曰齊與晉越欲此久矣君其備禦三鄰公懼反之叔孫婁

如齊涖盟夏四月晉人來治杞田恨公如楚故季孫宿以成與之冬

十一月季孫宿卒八年夏四月叔弓如晉賀成虎祁宮秋蒐于紅九

年春叔弓及宋鄭衛會楚子于陳楚滅陳故秋仲孫矍如齊殷聘殷盛也

冬築郎囿十年夏齊欒施來奔秋七月季孫意如叔弓仲孫矍

伐莒取鄆獻俘始用人于亳社九月叔孫婁如晉葬晉平公十

一年春二月叔弓如宋葬宋平公夏五月齊歸薨昭公母大蒐于

比蒲仲孫矍會邾子盟于祲祥秋季孫意如會諸侯之大夫齊晉

宋衛鄭曹杞于厥憇楚圍蔡謀救之九月葬齊歸公不感十二年夏宋華定

來聘公如晉取鄆之役莒人愬于晉晉辭公至河乃復公子憇

遂如晉公子慙與南蒯謀季氏慙從公如晉南蒯以費叛冬十月慙出奔齊十三年春叔弓圍費弗克秋公會周劉子及諸侯

晉齊宋衛鄭曹莒
邾滕薛杞小邾

于平邱邾莒愬于晉晉侯不見公使來辭八月同盟于平邱公不與盟晉執季孫意如以歸冬十月公如晉

晉辭公至河乃復十四年春意如至自晉南蒯奔齊司徒老祁慮癸來歸費十五年春二月有事于武宮籥入叔弓卒去樂卒

事冬公如晉

平邱之會故

晉人止公十六年夏公至自晉冬十月季

孫意如如晉葬晉昭公十七年春小邾子來朝秋邾子來朝二十一年夏晉士鞅來聘秋八月叔輒卒冬公如晉晉將伐鮮虞

辭公至河乃復二十二年春大蒐于昌間夏四月景王崩立王

子猛六月叔鞅如京師葬景王王子朝攻王猛王室亂冬十月

王子猛卒是為悼王猛弟敬王勾立二十三年春正月取邾師

于離姑邾愬于晉晉人來討叔孫婍如晉晉人執之癸丑叔鞅

卒秋七月莒子庚輿來奔天王居于狄泉尹氏

周世卿

立王子朝

敬王謂之東王子朝謂之西王

冬公如晉

為叔孫婍故

及河有疾而復二十四年春

二月仲孫矍卒婍至自晉二十五年春叔孫婍如宋

聘且為季孫意如逆

宋元夫人女

夏叔詣會諸侯之大夫

晉宋衛鄭曹邾滕薛小邾

于黃父

謀王室也

有鸚鵒來巢秋九月公居于長府伐季氏入之意如登臺而請

弗許仲孫何忌伐公徒公孫于齊次于陽州

左傳

齊侯唁公于野

井曰奈何君去魯之社稷公曰喪人不佞失守魯國之社稷執

事以羞再拜顙慶見子家駒曰慶子免君于大難矣子家駒曰臣不佞陷君于大難君不忍加之以鈇鎖賜之以死再拜顙高張執簞食與四脰脯國夏執壺漿曰吾寡君聞君在外餒饗未就敢致糗于從者公曰君不忘先君延及喪人錫之以大禮再拜稽首以衽受高張曰有夫不祥君無所辱大禮公蓋祭而不嘗景公曰寡人有不腆先君之服未之敢服有不腆先君之器未之敢用敢以請公曰喪人不佞失守魯國之社稷執事以羞敢辱大禮敢辭景公曰敢固以請公曰以吾宗廟之在魯也有先君之服未之能以服有先君之器未之能以出敢固辭景公曰請以饗乎從者公曰喪人其何稱景公曰孰君而無稱公于是

噉然而哭諸大夫皆哭既哭以人為菑以帑為席以鞶為几以

遇禮相見孔子曰其禮與其辭足觀矣

公康成注菑周將垣所以別內外衛威儀也

帶車覆笈即式也晏子昭公棄國走齊齊公曰君何年之少而棄國之蚤乎公曰人愛我者吾不能親人諫我者吾不能用輔拂無一人諂諛者甚衆譬猶秋蓬也孤其根而美枝葉秋風一至根且拔矣景公以語晏子曰使是人反國豈不為賢君乎對曰不然夫愚者多悔不肖者自賢溺者不問墜迷者不問路溺而後問墜迷而後問路譬猶臨難而鑄兵噎而掘井雖速亦無及矣

二十六年春三月公至自齊居于鄆夏齊侯將納公使公子

齊莒邾盟于

鉏帥師從公圍成師及齊師戰于炊鼻秋公會諸侯

齊莒邾盟于

郭陵公謀納也七月晉知躒趙鞅帥師納王公至自會居于鄆冬十

月天王入于成周王子朝奔楚二十七年春公如齊公至自齊

居于鄆秋諸侯之大夫

晉宋衛曹邾滕

會于扈令成周且謀納公宋衛

皆利納公固請之晉士鞅取貨于季孫辭以難仲孫何忌陽虎
伐鄆謀奪公公徒敗于且知冬公如齊公至自齊居于鄆二十

八年春公如晉次于乾侯

齊甲公故

二十九年春公至自乾侯居于

鄆齊侯使高張來唁公稱主君

大夫稱主君比公于大夫也

公如乾侯夏四

月叔詣卒公以公衍為大子三十年春正月公在乾侯三十一

年春正月公在乾侯晉侯將以師納公召季孫意如意如會晉

荀躒于適歷荀躒曰寡君使躒謂吾子何故出君意如伏而對

曰從君而歸固臣之願也敢有異心夏四月意如從荀躒如乾

侯躒以晉侯之命唁公且曰意如不敢逃死君其入也公曰君

惠顧先君之好施及亡人將使歸冀除宗祧以事君則不能見

夫人已所能見夫人者有如河荀躒掩耳而走曰寡君其罪之

恐敢與知魯國之難子家羈說公以一乘入魯師公欲從之衆

從者脅公不得歸冬邾黑肱以濫來奔三十二年春正月公在

乾侯取闕冬十一月仲孫何忌會諸侯之大夫

晉齊宋衛鄭曹莒薛杞小邾

于狄泉尋盟且令城成周十二月公薨于乾侯季孫意如問于

榮駕鵝曰君欲為君謚使子孫知之對曰生弗能事死又惡之

以自信也將焉用之乃謚曰昭左傳在位二十四年在外八年前

後三十二年

定公

定公名宋襄公之子昭公之弟也元年夏六月癸亥昭公之喪

至自乾侯戊辰公即位秋七月葬昭公

季孫使役如闕公墓將溝焉不使與先君同榮

駕鶯說之乃止而葬公于墓道南孔子為司寇溝而合之

昭公出故季孫意如禱于煬公九月立煬宮

煬公伯禽子其廟已毀禱于煬公而昭公死于外故立其宮

二年夏五月雉門及

兩觀災冬十月新作雉門及兩觀三年春正月公如晉至河乃

復冬仲孫何忌及邾子盟于拔四年春三月公會周劉子及諸

侯

晉宋蔡衛陳鄭許曹莒邾頓胡滕薛杞小邾齊

于召陵侵楚夏五月公及諸侯盟于

臯鼬五年夏歸粟于蔡

為楚圍故

六月季孫意如卒秋七月叔孫不

敢卒九月陽虎囚季孫斯

意如子

及公父歆而逐仲梁懷殺公何

藐

季氏族

盟斯于稷門之內逐公父歆及秦湍皆奔齊六年春二

月公侵鄭取匡夏季孫斯如晉獻鄭俘陽虎強使仲孫何忌往

報夫人之幣陽虎又盟公及三桓于周社盟國人于亳社詛于

五父之衢冬城中城季孫斯仲孫何忌圍鄆

鄆貳于齊故

僖翩率王

子朝之徒因鄭人以作亂十二月天王處于姑猶七年春二月

僖翩入于儀栗以叛齊人歸鄆陽關陽虎居之以為政秋大雩

齊國夏伐我西鄙九月大雩冬十一月王入于王城八年春正

月公侵齊二月公侵齊夏齊國夏伐我西鄙晉救我公會晉師

于瓦秋九月季孫斯仲孫何忌侵衛陽虎欲去三桓冬十月順

祀先公而祈焉

正閔公僖公之位次欲以取媚

辛巳禘于僖公壬辰將享季孫

斯于蒲圃而殺之斯奔仲孫何忌殺陽越

陽虎弟

陽虎劫公與叔

孫州仇伐孟氏陽氏敗虎如公宮取寶玉大弓入謹陽關以叛

九年夏陽虎歸寶玉大弓六月伐陽關陽虎奔齊齊囚之奔宋
遂奔晉十年春三月及齊平夏公會齊侯于夾谷齊人來歸郟

謹龜陰田叔孫州仇仲孫何忌圍郟郟馬正侯秋及齊師復圍

郟侯犯奔齊齊人致郟冬叔孫州仇如齊謝致十一年冬及鄭

平始叛晉叔還如鄭涖盟十二年仲由為季氏宰將墮三都夏

叔孫州仇墮郟季孫斯將墮費公山不狃費叔孫輒帥費人以

襲魯公入于季氏之宮登武子之臺費人攻之弗克入及公側

申句須樂頎下伐之費人北遂墮費將墮成公歛陽成不墮冬

十二月公圍成弗克十三年夏築蛇淵圃大蒐于比蒲十四年

春衛公叔戍來奔戍富又夫人夏衛北宮結來奔戍黨晉荀寅

南子愬之

也

士吉射叛晉晉圍朝歌五月公會齊侯衛侯于牽謀救范中行

氏秋王使石尚來歸賑宋公之弟辰自蕭來奔大蒐于比蒲邾

子來會公城莒父及霄公助范氏故十五年春正月邾子來朝

夏五月郊壬申公薨于高寢左在位十五年謚曰定公在春三

哀公

哀公名蔣定公之子定公十五年薨邾子來奔喪秋七月定姒

薨九月滕子來會葬丁巳葬定公雨不克葬戊午日下是乃克

葬辛巳葬定姒冬城漆哀公元年春正月公即位夏四月郊冬

仲孫何忌伐邾二年春二月季孫斯叔孫州仇仲孫何忌伐邾

取鄆東田及沂西田叔孫州仇仲孫何忌及邾子盟于句繹夏

四月滕子來朝三年夏五月桓宮僖宮災季孫斯叔孫州仇城
啟陽秋七月季孫斯卒冬十月叔孫州仇仲孫何忌圍邾四年

夏城西邾六月亳社災五年春城毗冬叔還如齊閏月葬齊景

公六年春城邾瑕城西邾毘邾瑕皆備晉也夏齊國夏及高張來奔陳乞鮑

也叔還會吳于相秋八月齊邴意茲來奔高國冬仲孫何忌伐

邾七年夏公會吳于郟吳徵百牢與之秋公伐邾八月入邾邾

眾保于繹師宵掠以邾子益來獻于亳社因諸負瑕八年春三

月吳伐我邾大夫茅夷克武城東陽遂次于泗上吳人行成與

盟而還夏五月齊伐我取謹及闡齊逆季姬季姬通于六月齊

使入吳請師伐我乃歸邾子益于邾秋及齊平九月臧賔如如

齊涖盟齊問邱明來涖盟且逆季姬以歸冬十二月齊人歸謹

及闡九年冬吳來傲師伐齊齊與魯平辭師于吳十年春二月

邾子益來奔公會吳子邾子邴子伐齊齊弒悼公乃還秋吳來

復傲師十一年春齊國書伐我師及齊師戰于郊左師入齊軍

右師奔夏五月公會吳伐齊戰于艾陵齊師敗績獲齊國書公

使大史固歸國書之元元首寘之新篋製之以玄纁加組帶焉

寘書于其上曰天若不識不衷何以使下國秋修守備備齊十

二年春用田賦邱賦之法因其田財通出馬一匹牛三頭今以

夏五月昭夫人孟子卒公會吳于橐臯吳請尋盟公辭秋公會

衛侯宋皇瑗于鄆與衛宋盟而卒辭吳盟十三年夏公會周單

子晉侯及吳子于黃池吳人將以公見晉侯子服何說之乃止
既而悔之囚何以還及戶牖乃歸何十四年春西狩獲麟小邾

射大夫以句繹來奔夏四月叔還卒秋八月仲孫何忌卒十五年

春正月成叛于齊成宰公孫宿叛仲孫蕪伐成不克遂城輸冬及齊平

十六年春正月衛侯輒來奔夏四月孔子卒十七年冬十二月

公會齊侯盟于蒙齊侯稽首公拜齊人怒十九年冬敬王崩子

元王立叔青如京師二十年夏會齊于廩邱為鄭故謀伐晉鄭

辭秋師還二十一年夏五月越人始來秋八月公及齊侯邾子

盟于顧齊人責稽首十七年蒙之盟因歌之曰魯人之臯數年不覺使

我高蹈唯其儒書以為二國憂言魯人臯緩據周禮不肯答稽首使齊邾高蹈至此二十

三年秋八月叔青如越越諸鞅來聘二十四年夏四月晉將伐

齊來乞師臧石帥師會之取廩邱公子荆之母嬖立為夫人以

荆為大子閏月公如越得大子適郢與大子相得也將妻公而多與之

地季孫肥納賂焉乃止二十五年夏六月公至自越宴季孫肥

仲孫蕪于五梧飲酒不樂公與大夫始有惡二十六年夏五月

叔孫舒會越人宋人納衛侯輒褚師比等逐之弗克入衛立悼公黜元

王崩定王立二十七年春越后庸來聘且言邾田封于駘上魯使

還邾田封竟至駘上二月盟于平陽夏四月季孫肥卒公弔焉降禮禮不備也

公患三桓之侈也欲以越伐魯去三桓秋八月公如公孫有山

氏因孫于邾乃遂如越國人施公孫有山氏施左國人迎公

復歸薨于有山氏史記在位二十七年帝王世紀哀公元甲辰終庚午謚曰哀公

悼公名寧哀公子哀公薨年表作二十八年在定王二年悼公即位悼公之時

潘公一傾公

三桓勝魯如小侯卑于三桓之家悼公十三年三晉滅知伯分

其地有之年表作十四年在定王十六年二十七年定王崩考王立三十七年

悼公薨年表作三十八年在考王十二年帝王世紀悼公四十

盡與劉歆歷譜合而徐廣注一作三十年又自悼公以下

反違年表其故未詳子嘉即位是為元公元公五年考王崩威

烈王立元公二十一年薨年表亦作二十一年在威烈王十

顯即位是為穆公系本顯穆公八年威烈王崩安王立穆公三

十三年薨年表作三十一年在安王二十子奮即位是為共公

史記世家共公元年安王崩烈王立公及衛宋鄭君朝魏惠王惠王

觴諸侯于范臺酒酣請公舉觴公興避席擇言曰昔者帝女令

儀狄作酒而美進之禹禹飲而甘之遂疏儀狄絕旨酒曰後世

必有以酒亡其國者齊桓公夜半不睡易牙乃煎熬燔炙和調

五味而進之桓公食之而飽至旦不覺曰後世必有以味亡其

國者晉文公得南之威三日不聽朝遂推南之威而遠之曰後

世必有以色亡其國者楚王登強臺而望崩山左江而右湖以

臨彷徨其樂忘死遂盟強臺而弗登曰後世必有以高臺陂池

亡其國者今君之尊儀狄之酒也君之味易牙之調也左白台

而右閭頊並美人名南威之美也前夾林而後蘭臺強臺之樂也有一于此足以亡國今君兼此四者可無戒與惠王稱善相屬策國

共公八年烈王崩顯王立共公二十二年薨年表作二十五年在顯王十七年帝

王世紀元乙巳終丙寅子屯即位是為康公史記世家楚將伐齊魯親之齊王

患之張丐齊人曰臣請令魯中立乃為齊見康公公曰齊王懼乎

曰非臣所知也臣來弔足下君不與勝者而與不勝者何故也

公曰子以齊楚為孰勝哉曰鬼且不知也然則何以弔寡人曰

齊楚之權敵也不用有魯與無魯足下豈如全眾而合二國之

後哉楚大勝齊其良士選卒必殪其餘兵足以待天下齊勝楚

其良士選卒亦殪而君以魯眾合戰勝後此其為德也亦大矣

其見德也亦大矣公以為然乃退師齊策康公九年薨年表作八年

二十五年帝王世紀元丁卯終乙亥子匡即位是為景公景公二十三年顯王崩

慎靚王立景公二十九年薨年表亦作二十九年在慎靚王六年帝王世紀元丙子終甲辰子

叔即位是為平公系本叔作旅是年慎靚王崩赧王立是時六國皆

稱王平公十二年秦惠王卒年表在赧王四年平公二十二年薨

年表作十九年亦在赧王十九年帝王世紀元乙巳終甲子子賈即位是為湣公系本作湣鄒誕同史

記作文○按前有文公不應同謚湣公七年楚懷王死于秦年表在赧王十九年湣公立之前一

年湣公二十三年薨年表同帝王世紀元乙丑終丁亥子讐即位是為傾公年表

作頃 傾公二年秦拔楚之郢楚頃襄王東徙于陳年表湣十八年秦拔郢楚

走陳在赧王十七年赧王崩周亡十九年楚伐我取徐州年表

三十七年

魯世家卷一

一

一

十八年取魯 二十四年楚考烈王伐滅魯傾公亡遷于卞邑為魯君封于莒

家人魯絕祀傾公卒于柯魯起周公至傾公凡三十四世史世家

贊曰韓宣子觀魯春秋曰周禮盡在魯吳公子札觀周樂有觀

止之歎魯固禮樂之國也然自伯御毀防桓逆莊淫閔僖以下

弑君奪適踵相接蕩君臣之檢墮男女之倫無惑乎昭哀旅食

民若固然由來久矣若乃丹楹刻桷卜郊逆祀築垣自踰莫魯

為甚而區區稽首守而弗失魯人之臯所以來齊人之誚也

尚史

世家二

襄平李錯鐵君甫纂

晉世家

始成王元年終烈王二年凡七百四十二年傳三十八世

唐叔虞 晉侯 武侯 成侯 厲侯 靖侯 釐侯

獻侯 穆侯 附殤叔 文侯 昭侯 孝侯 曲沃桓叔

唐叔虞者姓姬氏字子于武王子母曰邑姜左傳邑姜方娠大叔初武王

與邑姜會時夢天謂武王曰余命女生子名虞余與之唐及生

子文在其手曰虞故遂命之曰虞武王崩成王立唐有亂左傳成王

時唐人作亂成王滅之而封大叔周公誅滅唐成王與叔虞戲削桐葉為珪以

與叔虞曰以此封若史佚因請擇日立叔虞成王曰吾與之戲

尚史

晉世家卷二

耳史佚曰天子無戲言言則史書之禮成之樂歌之于是遂封

叔虞于唐呂氏春秋說苑並唐在河汾之東方百里故曰唐叔

虞唐叔子燮是為晉侯國都城記叔虞之子燮父徙居晉水傍改號曰晉晉侯子寧族

是為武侯系本作曼期古史考作曼旗武侯之子服人是為成侯成侯子福

系本是為厲侯厲侯之子宜臼是為靖侯靖侯已來年紀可推

自唐叔至厲侯五世無其年數靖侯元年當厲王二十一年按

成王元年至厲王二十年計二百五十七年而晉系裁五代恐誤當必有脫漏十七年厲王迷惑暴虐

國人作亂王出奔彘大臣行政故曰共和十八年靖侯薨子釐

侯司徒即位釐侯十四年宣王初立十八年釐侯薨子獻侯籍

即位系本古史考並作蘇十一年獻侯薨子穆侯費王即位鄒誕本作弗生或作潰王

穆侯四年取齊女姜氏為夫人七年伐條生太子仇十年伐千

畝有功生少子名曰成師師服曰異哉君之命子也適庶名反

逆晉其能毋亂乎二十七年穆侯薨弟殤叔自立太子仇出奔

殤叔三年宣王崩幽王立四年太子仇率其徒襲殤叔而立是

為文侯史記文侯十年申侯與犬戎殺幽王文侯與衛武公迎大

子宜臼立之是為平王平王乃以文侯為方伯錫秬鬯圭瓚作

文侯之命書傳王若曰父義和丕顯文武克慎明德昭升于上敷

聞在下惟時上帝集厥命于文王亦惟先正克左右昭事厥辟

越小大謀猷罔不率從肆先祖懷在位嗚呼閔予小子嗣造天

丕愆殄資澤于下民侵戎我國家純既我御事罔或者壽俊在

厥服予則罔克曰惟祖惟父其伊恤朕躬嗚呼有績予一人永
綏在位父義和汝克紹乃顯祖汝肇刑文武用會紹乃辟追孝
于前文人汝多修扞我于艱若汝予嘉王曰父義和其歸視爾
師寧爾邦用賚爾秬鬯一卣彤弓一彤矢百盧弓一盧矢百馬
四匹父往哉柔遠能邇惠康小民無荒寧簡恤爾都用成爾顯
德尚書三十五年文侯薨子昭侯伯即位昭侯元年封文侯弟成
師于曲沃曲沃邑大于翼翼晉侯都邑也成師封曲沃號為桓
叔桓叔是時年五十八矣好德晉國之眾皆附焉君子曰晉之
亂其在曲沃矣末大于本而得民心不亂何待七年晉大臣潘
父弒其君昭侯而迎曲沃桓叔桓叔欲入晉晉人發兵攻桓叔

桓叔敗還歸曲沃晉人共立昭侯子平為君是為孝侯誅潘父

左傳惠之三十年潘父弒昭侯是昭侯在位七年與世家同年表作六年今遵世家孝侯七年曲沃桓叔

卒子緝代立是為曲沃莊伯史記十五年曲沃莊伯伐翼弒孝侯

表作十六年翼人立其弟鄂侯左傳

鄂侯以下入春秋哀侯 小子侯 晉侯緡 曲沃 莊伯

武公

鄂侯名郊系本作都孝侯弟史記世家鄂侯二年魯隱公初立

四年隱三年平王崩桓王立六年隱五年曲沃莊伯以鄭人邢人伐

翼王使尹氏武氏助之鄂侯奔隨是年秋曲沃叛王王命虢公

伐曲沃而立鄂侯子哀侯于翼明年翼九宗五正九宗一姓為九族五正五

官之 頃父之子嘉父逆晉侯于隨納諸鄂晉人謂之鄂侯左紀年

鄂侯五年十月莊伯以曲沃叛伐翼公子萬救翼荀叔軫追之

至于家谷翼侯焚曲沃之禾而還翼侯伐曲沃大捷武公請成

于翼至相而還又曰六年王使虢公伐晉之曲沃晉鄂侯卒曲

沃莊伯復伐晉立鄂侯子光是為哀侯公子萬救翼荀叔軫追

之至于家谷史世家鄂侯六年卒曲沃莊伯乃興兵伐晉周平

王使虢公伐莊伯莊伯走保曲沃晉人立鄂侯子光是為哀侯

○按傳哀侯立于翼鄂侯立于鄂是父子分立非鄂侯卒鄂侯

而後哀侯立也又鄂侯六年為桓王二年作平王亦誤鄂侯

七年紀年史世家並曰鄂侯六年卒○按傳隱六年嘉父納諸

以哀侯考之蓋哀侯立于隱五年哀侯之元年也哀侯二年隱

至隱六年鄂侯卒而後稱元也

年 曲沃莊伯卒子稱代立是為曲沃武公史紀年哀侯二年曲

是為武公尚一軍三年 哀侯既立侵陘庭之田陘庭南鄙啟曲

荀人董伯皆叛曲沃 沃伐翼史世家在 九年桓三 曲沃武公伐翼次于陘庭韓萬御

沃伐翼史世家在 九年桓三 曲沃武公伐翼次于陘庭韓萬御

戎梁弘為右逐哀侯于汾隰駢絰而止夜獲之及欒賁左傳晉人

乃立哀侯子小子為君是為小子侯小子侯元年桓四 曲沃武

公使韓萬殺哀侯曲沃益強晉無如之何史記四年桓七 曲沃武

公誘晉小子侯殺之紀年曲沃滅荀以其地賜 明年滅翼冬王

命虢仲立哀侯之弟緡于晉晉侯緡二年桓九 虢仲芮伯梁伯

荀侯賈伯伐曲沃左紀年晉侯緡九年曲 八年桓十 桓王崩莊

王立二十三年莊十 莊王崩僖王立二十七年莊十 曲沃武公

伐晉侯緡滅之盡以其寶器賂獻于僖王王命曲沃武公以一

軍為晉侯列為諸侯于是盡併晉地而有之曲沃武公已即位

三十七年更號曰晉武公晉武公始都晉國前即位通年三十

八年自桓叔初封曲沃以至武公滅晉凡六十七歲而卒代晉
為諸侯武公代晉二年卒在位三十九年子獻公詭諸嗣史記

獻公

獻公名詭諸曲沃武公子也武公卒獻公即位是年僖王崩惠

王立獻公元年莊十年春公及虢公朝王王饗醴命之宥皆賜玉

五穀馬三匹左傳五年莊二十年伐驪戎得驪姬驪姬弟俱愛幸之

史記六年莊二十三年晉桓莊之族偪公患之士為曰去富子則羣公

子可謀也巴公曰爾試其事士為與羣公子謀譖富子而去之

明年士為又與羣公子謀使殺游氏之二子八年莊二十五年士為

使羣公子盡殺游氏之族乃城聚而處之冬公圍聚盡殺羣公

子九年莊二十六年士為為大司空夏士為城絳以深其宮史世家

公曰故晉之羣公子多不誅亂且起乃使盡殺諸公子而城聚

都之命曰絳○按史以桓莊之族為故晉公子又以聚為絳並

誤秋虢人侵我冬虢人又侵我史記世家羣公子亡奔虢十年莊

十七年公將伐虢士為曰不可虢公驕必棄其民無眾而後伐之

初公烝于齊姜生太子申生又娶二女于戎大戎狐姬生重耳

小戎子生夷吾晉伐驪戎以驪姬歸生奚齊其姊生卓子驪姬

嬖欲立其子賂外嬖梁五與東關嬖五使言于公曰曲沃君之

宗也蒲與二屈君之疆也不可以無主若使太子主曲沃重耳

夷吾主蒲與屈可以威民而懼戎且旌君伐公說十一年莊十八

年夏使太子居曲沃重耳居蒲城夷吾居屈羣公子皆鄙唯二

姬之子在絳十六年

閔元年

作二軍

周制大國三軍次國二軍小國一軍晉本大國自前僖王

命曲沃伯以一軍為

公將上軍天子申生將下軍趙夙御戎畢

萬為右以滅耿滅霍滅魏還為天子城曲沃賜趙夙耿畢萬魏

以為大夫士為曰天子不得立矣分之都城而位以卿先為之

極又焉得立十七年

閔二年

冬十二月公使天子申生伐東山臯

落氏里克諫公曰寡人有子未知其誰立焉十九年

僖二年

使荀

息假道于虞以伐虢虞公許之夏里克荀息帥師會虞師伐虢

滅下陽二十一年

僖四年

驪姬謂天子曰君夢齊姜必速祭之大

子祭于曲沃歸胙于公公田姬寘諸宮六日公至毒而獻之公

祭之地地墳與犬犬斃與小臣小臣亦斃姬泣曰賊由天子大

子奔新城公殺其傅杜原款冬十二月申生縊于新城姬遂譖

二公子曰皆知之重耳奔蒲夷吾奔屈二十二年

僖五年

公使寺

人披伐蒲重耳奔翟秋晉復假道于虞伐虢八月圍上陽冬十

二月晉滅虢虢公醜奔京師

紀年十九年會虞師伐虢虢公醜奔衛

師還館于虞

遂襲虞滅之執虞公

韓非子獻公欲伐虞遺之屈產之乘垂二棘之璧女樂六以榮其意而亂其政

十三年

僖六年

公使賈華伐屈夷吾不能守奔梁二十五年

僖八年

閏月惠王崩襄王立

惠王實以七年閏月崩襄王懼叔帶之難至八年定位而後發喪

初里克

敗狄于采桑夏狄伐我報采桑之役也二十六年

僖九年

夏公將

會諸侯于葵邱遇周宰孔曰可無會齊侯不務德而勤遠畧公

乃還秋九月公薨里克平鄭以三公子之徒作亂冬十月里克

殺奚齊于次荀息立公子卓以葬十一月里克殺公子卓于朝
荀息死之齊侯以諸侯之師伐我及高梁而還齊隰朋帥師會
秦師納公子夷吾左傳公在位二十六年謚曰獻

惠公 懷公

惠公名夷吾獻公之子也驪姬之亂夷吾奔梁曰梁近秦而幸
焉及獻公薨夷吾重賄秦以求入惠公元年僖十年夏四月周公
忌父王子黨會齊隰朋立夷吾是為惠公公殺里克以說于是
平鄭聘于秦且謝緩賂故不及公改葬共太子秋狐突適下國
遇太子告之曰夷吾無禮余得請于帝矣將以晉畀秦秦將祀
余對曰神不歆非類民不祀非族君祀無乃殄乎君曰諾吾將

復請七日新城西偏將有巫者而見我焉及期往告之曰帝許

我罰有罪矣敝于韓平鄭如秦請納重耳遂殺平鄭祁舉及七

輿大夫平豹

平鄭子

奔秦二年

僖十年

王使召武公內史過賜公命

夏戎伐京師秦晉伐戎以救周秋公平戎于王四年

僖十年

冬晉

薦饑乞糴于秦秦輸粟于晉自雍及絳相繼五年

僖十年

秋八月

沙鹿崩冬秦饑乞糴于晉晉人弗與公之入也秦穆姬

申生姊秦穆夫

人屬賈君焉

獻公次妃賈女也

且曰盡納羣公子公烝于賈君又不納

羣公子是以穆姬怨之公許賂中大夫

里平

既而皆背之賂秦

伯以河外列城五東盡虢畧南及華山內及解梁城既而不與

晉饑秦輸之粟秦饑晉閉之糴六年

僖十年

秋秦伯伐我公謂慶

尚史
鄭曰寇深矣若之何對曰君實深之可若何公曰不孫卜右慶
鄭吉弗使步揚御戎家僕徒為右公逆秦師使韓簡視師復曰
師少于我鬪士倍我公曰何故對曰出因其資入用其寵饑食
其粟三施而無報是以來也今又擊之我怠秦奮倍猶未也公
曰一夫不可狃况國乎遂使請戰曰寡人不佞能合其眾而不
能離也君若不還無所逃命秦伯使公孫枝對曰君之未入寡
人懼之入而未定列猶吾憂也苟列定矣敢不承命韓簡退曰
吾幸而得囚戰于韓原晉戎馬還淳而止公號慶鄭鄭曰復諫
違卜因敗是求又何逃焉遂去之梁由靡御韓簡虢射為右輅
秦伯將止之鄭以救公誤之遂失秦伯秦獲公以歸晉大夫反

首拔舍

反垂頭髮
拔草舍止

從之秦伯使辭焉曰二三子何其感也寡人

之從君而西也亦晉之妖夢是踐豈敢以至晉大夫三拜稽首

曰君履后土而戴皇天皇后土實聞君之言羣臣敢在下風

穆姬聞晉侯將至以天子榮弘與女簡璧登臺而履薪焉使以

免服衰經逆乃舍諸靈臺大夫請以入公曰獲晉侯以厚歸也

既而喪歸焉用之大夫其何有焉且晉人感憂以重我天地以

要我不圖晉憂重其怒也我食吾言背天地也重怒難任背天

不祥必歸晉君乃許晉平公使卻乞告瑕呂飴甥且召之飴甥

教之言曰朝國人而以君命賞且告之曰孤雖歸辱社稷矣其

卜貳圉也眾皆哭晉于是乎作爰田

分公田之稅應入公者爰
之于所賞之眾爰易也

飴甥曰君亡之不恤而羣臣是憂惠之至也將若君何衆曰何
 為而可對曰征繕以輔孺子衆說晉于是乎作州兵十月飴甥
 會秦伯盟于王城秦改館公饋七牢十一月公歸殺慶鄭而後
 入是歲晉又饑秦伯又餽之粟曰吾怨其君而矜其民于是秦
 始征晉河東置官司焉即河外列城五始歸之秦也七年僖十年六年秋狄侵我取
 狐厨受鐸涉汾及昆都八年僖十年七年天子圍為質于秦秦歸河東
 而妻之十三年僖二十二年天子圍逃歸十四年僖二十三年秋九月公
 薨子圉立是為懷公明年秦納重耳殺懷公于高粱左傳公在位
 十四年謚曰惠懷公在位一年謚曰懷

文公

文公名重耳獻公子狄女狐姬之所生也獻公十三年以驪姬
 故公子重耳備蒲城守秦史記及難作晉人伐諸蒲城蒲城人欲

戰公子不可曰保君父之命而享其生祿于是乎得人有人而

校罪莫大焉吾其奔也遂奔狄從者狐偃趙衰顛頡魏犢胥臣

左史記重耳少好士年十七有賢士五人曰趙衰狐偃賈佗先
 傳軫魏武子自獻公為太子時重耳固已成入矣獻公即位重
 耳年二十一獻公十三年以驪姬故重耳備蒲城守秦二十一
 年殺太子申生驪姬讒之恐不辭獻公而守蒲城二十二年獻
 公使宦者履鞮趣殺重耳重耳遂奔狄狄其母國也居狄五歲
 是時重耳年四十三從此五士其餘不名者數十人

獻公薨里克殺奚齊卓子使人迎立公子公子畏殺固謝不敢

入晉更迎夷吾立之是為惠公惠公使殺公子公子適齊居狄

凡十二年而去史記過衛衛文公不禮焉出于五鹿乞食于野人

野人與之塊公子怒欲鞭之狐偃曰天賜也稽首受而載之及齊齊桓公妻之有馬二十乘公子安之從者以為不可姜氏與狐偃謀醉而遣之醒以戈逐狐偃及曹曹共公聞其駢脅欲觀其裸浴薄而觀之僖負羸曹大之妻曰晉公子必反其國子盍蚤自貳焉乃饋盤飧寘璧焉公子受飧反璧及宋宋襄公贈之以馬二十乘及鄭鄭文公亦不禮焉叔詹諫弗聽及楚楚成王饗之曰公子若反晉國則何以報不穀對曰子女玉帛則君有之羽毛齒草則君地生焉其波及晉國者君之餘也其何以報君曰雖然何以報我對曰若以君之靈得反晉國晉楚治兵遇于中原其辟君三舍若不獲命其左執鞭弭右屬橐鞬以與君

周旋得臣

楚大夫

請殺之成王不可乃送諸秦

史記居楚數月晉大夫圍亡秦秦怨

之聞重耳在楚乃召之成王曰楚遠更數國乃至晉秦晉接境子其勉行

秦穆公納女五人懷羸與

焉子圍

他日公享之狐偃曰吾不如衰之文也請使衰從公子

賦河水公賦六月趙衰曰重耳拜賜公子降拜稽首公降一級

而辭焉衰曰君稱所以佐天子者命重耳重耳敢不拜文公元

年僖二十四

春正月秦穆公納公子濟河圍令狐入桑泉取白裘

二月甲午晉師軍于廬柳穆公使公子繫如晉師師退軍于郇

辛丑狐偃及秦晉之大夫盟于郇壬寅公子入于晉師丙午入

于曲沃丁未朝于武宮戊申使殺懷公于高梁

史世家重耳出亡凡十九歲而

得入時年六十二矣皆人多附焉

呂甥卻芮

惠公舊臣

畏偪將焚公宮而弒公寺人

披史作履請見以難告三月公潛會秦穆公于王城巳丑晦公宮

火呂甥卻芮不獲公乃如河上穆公誘而殺之公逆夫人嬴氏

以歸穆公送衛于晉三千人實紀綱之僕左傳公屬百官賦職任

功棄責薄歛施舍分寡輕關易道通商寬農省用足財利器明

德以厚民性舉善援能官方定物正名育類昭舊族愛親戚明

賢良尊貴寵賞功勞事耆老禮賓旅友舊故胥籍狐箕樂卻伯

先羊舌董韓實掌近官諸姬之良掌其中官異姓之能掌其遠

官公食貢大夫食邑士食田庶人食力工商食官阜隸食職官

宰食加官宰家臣加大夫之家田也政平民阜財用不匱襄王使大宰文公

及內史興賜公命上卿逆于境公郊勞館諸宗廟饋九牢設庭

燎及期命于武宮設桑主布几筵大宰涖之公端委以入大宰

以王命命冕服大史贊之二命而後即冕服既畢賓饗贈餞如

公命侯伯之禮而加之以宴好內史興歸以告王曰晉不可不

善也其君必霸逆王命敬奉禮義成王其善之國語是年秋叔帶

以狄師攻王王出適鄭處于汜叔帶居温二年僖二十五年春秦穆

公師于河上將納王狐偃言于公曰求諸侯莫如勤王諸侯信

之且大義也公使卜之吉筮之又吉乃辭秦師而下三月次于

陽樊右師圍温左師逆王夏四月王入于王城取叔帶于温殺

之公朝王王饗禮命之宥設醴酒又加之幣帛以助勤宥助也請隧闕地通路曰隧王之葬禮

也諸侯皆縣柩而下弗許曰王章也與之陽樊温原攢茅之田晉于是始

啟南陽陽樊不服圍之出其民秋及秦師伐都秦楚間小國冬圍原

命三日之糧原不降命去之退一舍而原降遷原貫于冀趙衰

為原大夫狐溱為溫大夫冬楚人伐宋圍濬四年僖二十七年冬楚

人及陳蔡鄭許圍宋宋使來告急先軫曰報施救患取威定霸

于是乎在矣狐偃曰楚始得曹而新昏于衛若伐曹衛楚必救

之則齊宋免矣于是乎蒐于被廬作三軍謀元帥趙衰曰卻縠

可乃使卻縠將中軍卻臻佐之使狐偃將上軍讓于狐毛而佐

之命趙衰為卿讓于欒枝先軫佐之荀林父御戎魏犢為右五

年僖二十八年春伐曹假道于衛衛弗許還自南河濟侵曹伐衛取

五鹿二月卻縠卒先軫將中軍胥臣佐下軍公及齊侯盟于欽

孟衛侯請盟弗許國人出其君以說于我公圍曹門焉多死曹

人尸諸城上公患之聽輿人之謀曰稱舍于墓為將發冢師遷焉曹

人兇懼為其所得者棺而出之因其兇也而攻之三月入曹數

之以其不用僖負羈而乘軒者三百人且令無入僖負羈之宮

而免其族報施也魏犢顛頡燕僖負羈氏公愛魏犢材舍之殺

顛頡以徇于師立舟之僞以為戎右宋使來告急公曰宋人告

急舍之則絕告楚不許我欲戰矣齊秦未可若之何先軫曰使

宋舍我而賂齊秦藉之告楚我執曹君而分曹衛之田以賜宋

人楚愛曹衛必不許也喜賂怒頑能無戰乎公從之楚成王入

居于申使申叔去穀使得臣去宋曰無從晉師得臣請戰王怒

少與之師唯西廣東宮與若敖之六卒實從之得臣使宛春楚大

夫告于我師曰請復衛侯而封曹臣亦釋宋之圍狐偃曰子玉

無禮哉君取一臣取二不可失矣先軫曰子與之定人之謂禮

楚一言而定三國我一言而亡之我則無禮何以戰乎不如私

許復曹衛以攜之執宛春以怒楚既戰而後圖之公從之得臣

怒從我師我師退三舍楚眾欲止得臣不可夏四月公次于城

濮楚師背鄆而舍公患之聽輿人之誦曰原田每每舍其舊而

新是謀公疑焉狐偃曰戰也戰而捷必得諸侯若其不捷表裏

山河必無害也公曰若楚惠何欒枝曰漢陽諸姬楚實盡之思

小惠而忘大耻不如戰也公夢與楚子搏楚子伏已而監其腦

是以懼狐偃曰吉我得天楚伏其罪吾且柔之矣得臣使鬬勃

請戰公使欒枝對曰寡君聞命矣楚君之惠未之敢忘是以在

此為大夫退其敢當君乎既不獲命矣敢煩大夫謂二三子戒

爾車乘敬爾君事詰朝將見晉車七百乘鞞鞞鞞鞞在背曰鞞

在腹曰鞞在後曰鞞一云著掖皮公登有莘之虛以觀師曰少

長有禮其可用也遂伐其木以益其兵已巳晉師陳于莘北胥

臣以下軍之佐當陳蔡得臣以若敖之六卒將中軍曰今日必

無晉矣鬬宜申將左鬬勃將右胥臣蒙馬以虎皮先犯陳蔡陳

蔡奔楚右師潰狐毛設二旆而退之欒枝使輿曳柴而偽遁楚

師馳之先軫卻縠以中軍公族橫擊之狐毛狐偃以上軍夾攻

鬪宜申楚左師潰楚師敗績得臣收其卒而止故不敗晉師三日館穀及癸酉而還至于衡雍作王宮于踐土鄭伯為楚師既敗懼行成于我欒枝入盟鄭伯五月公及鄭伯盟于衡雍獻楚

俘于王駟介百乘徒兵千鄭伯傅王用平禮也用平王享晉文侯仇之禮史世家

家周作晉文侯命王若曰父義和不顯文武能慎明德昭登于上布聞在下維時上帝集厥命于文武恤朕身繼予一人永在其位于是晉文

公稱伯史記誤王享醴命公宥王命尹氏及王子虎內史叔與

父策命公為侯伯賜之大輅之服戎輅之服彤弓一彤矢百旅

弓矢千秬鬯一卣虎賁三百人曰王謂叔父敬服王命以綏四

國糾逃王慝公三辭從命曰重耳敢再拜稽首奉揚天子之不

顯休命受策以出出入三覲衛侯聞楚師敗懼出奔使元咺衛

夫奉叔武弟衛侯以受盟王子虎盟諸侯于王庭曰皆獎王室無

相害也有渝此盟明神殛之說苑公合諸侯而盟曰吾聞國之昏不由聲色必由姦利好樂聲色

者淫也貪姦者惑也夫淫惑之國不亡必殘自今以來無以美妾疑妻無以聲色妨正無以姦情害公無以貨利示下其有之

者是謂伐其根素流于華葉若此者有患無憂有寇勿弭不如言者盟示之楚得臣歸及連穀而死

公聞之而後喜可知也曰莫余毒也已為呂臣實為令尹奉已

而已不在民矣史記世家晉焚楚軍火數日不息公歎左右曰勝楚而君猶憂何公曰吾聞能戰勝安者唯聖人

是以懼且子玉猶在庸可喜乎子玉歸自殺公曰我擊其外楚誅其內內外相應于是乃喜說苑晉文公與楚人戰大勝之燒

其軍火三日不滅文公退而有憂色侍者曰君有憂色何也公曰戰勝而安者唯聖人乎若夫詐勝之徒未嘗不危也吾是以

憂六月復衛侯城濮之戰晉中軍風于澤牛馬因風而走皆失之亡大旆

之左旃祁瞞于命司馬殺之以徇于諸侯師還濟河舟之僑先

歸秋七月振旅愷以入于晉獻俘授馘飲至大賞徵會討貳殺

舟之僑以徇于國民于是大服史記世家晉侯歸國行賞狐偃為首或曰城濮之戰先軫之謀公

曰城濮之事偃說我毋失信先軫曰軍事勝為右吾用之以勝然此一時之說偃言萬世之功奈何以一時之利而加萬世功

呂氏春秋文公將戰于城濮召咎犯而問曰楚眾我寡奈何對曰臣聞繁禮之君不足于文繁戰之君不足于詐君亦詐之而

已公告雍季雍季曰竭澤而漁豈不獲得而明年無魚焚藪而田豈不獲得而明年無獸詐偽之道雖今偷可後將無復非長

術也公用咎犯之言敗楚反而為賞雍季在上左右曰城濮之功咎犯之謀君用其言而賞後其身或者不可乎公曰雍季之

言百世之利咎犯之言一時之務也焉有冬公及諸侯會于温一時之務先百世之利者乎韓非子同

執衛侯歸之于京師是會也公召王以諸侯見且使王狩仲尼

曰以臣召君不可以訓故書曰天王狩于河陽諸侯圍許公有

疾曹伯之豎侯孺貨筮史使曰以曹為解公復曹伯遂會諸侯

圍許公作三行以禦狄荀林父將中行屠擊將右行先蔑將左

行六年僖二十九年夏狐偃會周王子虎魯公及諸侯之大夫盟于

翟泉尋踐上盟且謀伐鄭七年僖三十年春侵鄭公酖衛侯不死納玉于王與

公皆十穀乃釋衛侯秋九月公及秦伯圍鄭秦伯與鄭盟而還

公亦去之冬魯公子遂初來聘八年僖三十一年春分魯濟西田曹地

也魯公子遂來聘秋蒐于清原作五軍以禦狄晉作三行今罷之更為上下新

軍趙衰為卿九年僖三十二年春楚請平使陽處父報之晉楚始通

冬公薨左傳謚曰文在位九年公大布之衣牂羊之裘韋以帶劍

威立于海內昔齊桓公合諸侯以乘車退誅于國以斧鉞文公

合諸侯以革車退行于國以禮義桓公前柔而後剛文公前剛

而後柔然而令行天下權制諸侯鈞者審于勢之變也淮南韓

子文公伐宋乃先宣言曰吾聞宋君無道侮蔑長老分財不中教令不信余來為民誅之說苑文公伐衛入郭坐士令食曰今日必得大垣公子慮俛而笑公曰奚笑對曰臣之妻歸臣送之反見桑者而助之顧臣之妻則亦有送之者矣公懼還師而貉人攻其地列子作公子鋤○伐宋事傳不載伐衛遂伐曹亦無還師事說並誣說苑大功之効在于用賢積道衰滅之過在于得意而怠晉文公是其効也文公出亡修道不休得至于饗國于是任咎犯先軫陽處父畜愛百姓厲養戎士政治內定則舉兵伐衛執曹伯敗強楚率諸侯而朝天子天下平定周室尊顯故曰大功之効在于用賢積道文公霸功立期至意得一年用三師進而圍許兵弊不服罷諸侯而歸自此怠政事狄泉之盟不親至威武詘折諸侯不朝鄭叛狄侵衛遷帝邱故曰衰滅之過在于得意而怠新序文公出獵前驅曰前有大地高如隄阻道竟之公曰寡人有過天以戒寡人還車而反前驅曰臣聞之喜者無賞怒者無刑今禍福已在前矣不可變何不遂驅之公曰不然夫神不勝道妖不勝德禍福未發猶可化也還車反宿齋三日請于廟曰孤少穢不肥幣不厚罪一弋獵無度罪二多賦歛重刑罰罪三請自今關市無征澤梁無賦赦罪人舊田半

稅新田不稅行令未半旬守地吏夢天帝殺地發夢地腐矣謁之公曰然神果不勝道妖亦不勝德應之以德而已○按文公他事殊夥具散見諸傳中

襄公

襄公名驩文公子文公薨襄公即位元年僖三十三年春秦襲鄭滅

滑而還公發命與姜戎公墨衰經文公未葬以凶服從戎夏四

月敗秦師于殽獲百里孟明視西乞術白乙丙以歸遂墨以葬

文公晉于是始墨文嬴請三帥使歸就戮公許之秋狄伐我及

箕八月公敗狄于箕卻缺獲白狄子先軫死之冬及陳鄭伐許

討其貳陽處父侵蔡蔡即楚故楚鬬勃救之我師歸文公之季年衛

成公不朝我而侵鄭二年文元年夏四月公既祥使告于諸侯而

伐衛及南陽先且居曰效尤禍也請君朝王臣從師公朝王于
温先且居胥臣伐衛五月圍戚取之獲孫昭子昭子名衛告于

陳陳曰更伐之衛孔達衛大夫伐我秋疆戚田三年文二春秦伐

我戰于彭衙秦師敗績夏四月陽處父及魯公盟我以不朝討

大夫盟六月士穀盟諸侯于垂隴討衛故陳為衛請成于我執

孔達以說冬先且居會諸侯大夫伐秦取汪及彭衙而還四年

文三春會諸侯之師伐沈沈潰夏五月秦伐我取王官及郊秋

楚圍江先僕伐楚以救江冬以江故告于周王叔桓公陽處父

伐楚以救江十二月魯公來公及魯公盟陽處父之盟懼無

年文四春歸孔達于衛夏衛侯來拜曹伯來會正秋公伐秦圍

邢新城六年文五冬陽處父聘于衛趙衰欒枝先且居胥臣皆

卒七年文六春蒐于夷舍二軍文公時作五軍今舍使狐射姑

將中軍趙盾佐之陽處父改蒐于董謂趙盾能易中軍盾始為

政秋八月公薨左傳謚曰襄在位七年

靈公

靈公名夷臯襄公天子母曰穆嬴襄公七年文六薨靈公少我

以難故欲立長君當趙盾為政欲立公子雍狐射姑曰不如立

公子樂雍樂並盾不可使先蔑士會如秦逆雍射姑亦使召樂

于陳盾殺諸郟秋九月狐射姑使續鞫居狐氏殺陽處父冬十

一月殺續鞫居射姑奔狄靈公元年文七秦送公子雍穆嬴日

抱大子以啼于朝又抱以適趙氏責盾盾乃背先蔑而立大子

是為靈公盾禦秦師敗秦師于令狐先蔑士會奔秦秋八月趙

盾會諸侯齊宋衛陳盟于扈靈公二年文八年春歸匡戚之田于

衛且致公壻池晉君之封自申至于虎牢之竟夏秦伐我取武

城秋八月襄王崩頃王立我以扈之盟討魯魯公後至冬魯公子遂

會趙盾盟于衡雍三年文九年春賊殺先克夷之蒐襄公將登箕

益耳將中軍先克不可克討其亂殺先都梁益耳三月殺士穀

又奪蒯得田故五人作亂箕鄭父蒯得楚伐鄭趙盾會諸侯之大夫救鄭不及楚師四年

文十年春伐秦取少梁夏秦伐我取北徵五年文十年夏卻缺會魯

叔仲彭生于承筐謀諸侯之六年文十年冬秦伐我取羈馬我禦

之于河曲秦師夜遁復侵我入瑕七年文十年公使詹嘉處瑕以

守桃林之塞備秦夏士會歸自秦冬十二月魯公來朝公及魯

公盟八年文十年春頃王崩匡王立夏五月邾捷菑來奔六月趙

盾會諸侯魯宋陳衛同盟于新城從楚者服且盾以諸侯之師

八百乘納捷菑于邾弗克納新城之盟蔡人不與九年文十年夏

六月卻缺以上軍下軍伐蔡戊申入蔡秋齊侵魯魯來告冬十

一月公會諸侯宋衛蔡陳盟于扈尋新城之盟且謀伐齊齊人

賂公故不克而還宋弒昭公十一年文十年春荀林父會伐宋立

文公而還夏六月公蒐于黃父復合諸侯于扈平宋也公不見

鄭伯以為貳于楚鄭子家以書告趙盾鞏朔遂行成于鄭晉鄭

尚史

晉世家卷二

尚史

六

交質河曲之役在文十秦師將遁史駢請薄之趙穿胥甲父不

可當軍門呼十三年宣元夏放胥甲父于衛而立胥克秋楚侵

陳遂侵宋趙盾救陳宋會諸侯宋陳于棗林伐鄭楚救鄭囚解

揚大我師乃還我欲求成于秦冬侵崇小國以求成秦弗與成

我伐鄭十四年宣二春秦伐我圍焦夏趙盾救焦遂及諸侯之

師宋衛侵鄭楚鬪椒救鄭盾去之公不君厚歛以彫墻從臺上

彈人而觀其辟丸也宰夫肺熊蹯不熟殺之寘諸畚使婦人載

以過朝趙盾士會諫不聽盾驟諫公患之將攻盾盾遂自亡秋

九月趙穿弒公子桃園左說苑靈公造九層之臺費用千億曰

傳敢諫者斬孫息曰臣能累十三博棊加九雞子其上即以棊子置其下加九雞子其上公曰危哉曰

是不危也九層之臺三年不成國用空虛鄰國謀議社稷一滅

靈在位十四年

成公

成公名黑臀文公少子其母周女也史記靈公十四年宣二趙穿

弒靈公趙盾使穿逆公子于周而立之是為成公初麗姬之亂

詛無畜羣公子自是晉無公族及公即位乃宦卿之適子而為

之田以為公族又宦其餘子亦為餘子餘子適子其庶子為公

行晉于是有公族餘子公行冬十月匡王崩定王立成公元年

宣三春公伐鄭及邲鄭平士會入盟三年宣五冬楚伐鄭陳及

楚平荀林父救鄭伐陳四年宣六春趙盾及衛侵陳秋赤狄伐

我圍懷及邢邱五年宣七年夏赤狄侵我取向陰之禾鄭及我平

冬公會諸侯魯宋衛鄭曹盟于黑壤周王叔桓公臨之以謀不睦六

年宣八年春白狄及我平夏會狄伐秦冬陳及我平七年宣九年秋

九月公會諸侯宋衛鄭曹于扈陳侯不會荀林父以諸侯之師伐陳

公薨于扈左傳謚曰成在位七年又公四年六月葬于扈

景公景公名孺史作據成公子成公七年宣九年薨公即位是年冬十月

楚伐鄭卻缺救鄭鄭敗楚師景公元年宣十年夏六月鄭及楚平

我及諸侯之師宋衛曹伐鄭取成而還冬楚伐鄭士會救之諸侯

之師成鄭二年宣十一年秋公會狄于攢函衆狄疾赤狄之二年宣十

二年春楚圍鄭克之鄭及楚平夏六月我師救鄭及河楚乘我軍

敗我師于邲冬先穀及宋衛曹同盟于清邱四年宣十三年秋赤狄

伐我及清先穀召之也冬討邲之敗與清之師殺先穀盡滅其

族五年宣十四年夏公伐鄭告于諸侯蒐焉而還楚圍宋六年宣十五年

春宋告急于我公欲救之伯宗不可乃止使解揚如宋夏六月

荀林父敗赤狄于曲梁滅潞殺鄆舒秋七月秦伐我次于輔氏

公治兵于稷以畧狄土立黎侯而還狄奪其地故復立之及雒魏顛敗秦

師于輔氏公使趙同獻狄俘于周七年宣十六年春士會帥師滅赤

狄甲氏及留吁鐸辰三月獻狄俘公請于王命士會將中軍且

為大傅先是周王子札殺召伯毛伯在十五年夏王室復亂王孫蘇

尚史 晉世家卷二

尚史 晉世家卷二

來奔我復之冬使士會平王室八年宣十年春公使卻克徵會于

齊齊頃公使婦人觀之婦人笑于房卻克怒夏公會諸侯魯衛曹邾

同盟于斲道辭齊人執其使九年宣十年春公及衛伐齊及齊頃

公盟于繒齊公子彊為質于我我師還十年成元年春使詹嘉平

戎于王單襄公來拜成十一年成二年齊伐魯敗衛于新築魯衛

皆來乞師夏六月公使卻克會魯衛曹之師及齊師戰于鞏齊

師敗績我師入自邱輿擊馬陘齊頃公使國佐賂以紀甌玉磬

與地許之平秋七月及國佐盟于爰婁使齊歸魯汶陽之田冬

十一月公使鞏朔獻齊捷于周十二年成三年春公會諸侯魯宋衛曹

伐鄭遂東侵鄭鄭敗我師于邱輿夏魯公來拜汶陽之田秋卻

克及衛伐虜咎如冬十一月使荀庚如魯聘及魯盟十二月作

六軍韓厥趙括鞏朔韓穿荀騅趙旃皆為卿賞鞏之功也齊侯來朝

十三年成四年夏魯公來冬鄭伐許我救許伐鄭取汜祭十四年

成五年春放趙嬰齊于齊通于趙朔妻莊姬故夏梁山崩秋八月趙同及鄭

伯盟于赤棘冬十一月定王崩簡王立十二月公會諸侯魯齊宋衛

鄭曹邾杞同盟于蟲牢鄭服也十五年成六年春鄭伯來拜成三月伯宗

夏陽說及衛鄭侵宋蟲牢之盟諸侯謀復會宋公辭故夏四月遷于新田冬魯

季孫行父來賀遷也楚伐鄭欒書救鄭遇于繞角楚師還我師

遂侵蔡楚救蔡禦諸桑隧我師還侵沈獲沈子揖初十六年成七年

年春鄭伯來且拜師秋楚伐鄭公會諸侯魯齊宋衛曹莒邾杞救鄭八月

同盟于馬陵尋蟲牢盟且莒服故冬衛孫林父以戚來奔衛定公來我反

戚十七年成八年春使韓穿如魯言汶陽之田歸之于齊公羊鞅之戰齊

師大敗齊侯歸弔死視疾七年不飲酒不食肉晉侯聞之曰嘻奈何使人之君七年不飲酒不食肉請皆反其侵地欒書

侵蔡遂侵楚獲申驪楚大夫夏六月殺趙同趙括莊姬以其田與

邾奚韓厥諫乃立趙武而反其田冬士燮如魯聘會魯齊邾伐

邾十八年成九年春正月公會諸侯魯齊宋衛鄭曹莒杞同盟于蒲歸汶陽之田諸

侯貳于晉晉懼會蒲以尋馬陵之盟二月鄭伯會楚公子成于鄧秋鄭伯來我執

諸銅鞮欒書伐鄭鄭使伯蠲人行成殺之楚侵陳以救鄭冬十

一月秦人白狄伐我公釋楚鍾儀使歸求成十二月楚使公子

辰來報鍾儀之使請修好結成十九年成十年使糴棧如楚夏四

月公有疾五月立太子州蒲以為君而會諸侯魯齊宋衛曹伐鄭歸鄭

伯以求成也六月公薨秋魯公來止之使送葬冬葬景公左傳謚曰景

在位十九年

厲公

厲公名州蒲景公太子也厲公元年成十一年春使卻犢如魯聘及

魯盟夏魯季孫行父來報聘且涖盟冬宋華元宋大夫來合晉楚

之成秦晉為成會于令狐秦伯不肯涉河使史顛秦大夫盟公于

河東卻犢盟秦伯于河西秦伯歸而背成二年成十二年春周周公

來奔夏五月士燮會楚公子罷許偃並楚大夫盟于宋華元合公會

魯公衛侯于瑣澤鄭伯亦來聽成狄侵我秋敗狄于交剛卻至

如楚聘且涖盟冬楚公子罷來聘且涖盟十二月公及楚公子

罷盟于赤棘三年成十年春使卻乞如魯乞師將伐秦夏四月公使

呂相魏錡子絕秦五月公會諸侯魯齊宋衛鄭曹邾滕伐秦戰于麻隧秦師

敗績獲秦成差及不更女父成差女父並秦大夫不更爵名四年成十年春衛定

公來公強見孫林父定公不可夏定公歸公使卻驪送林父卒

見定公而復之成七年衛定公惡孫林父林父奔晉五年成十年春三月公會諸侯

魯衛鄭曹同盟于戚執曹成公歸于京師曹宣公卒公子負芻殺其大夫子而自立故見討負芻

即成公冬十月殺伯宗及欒弗忌晉賢大夫伯州犂奔楚十一月士燮

會諸侯之大夫魯齊宋衛鄭邾會吳于鍾離六年成十年鄭叛晉公將伐

鄭使欒黶如魯卻驪如衛遂如齊皆乞師夏五月我師起楚救

鄭六月晉楚戰于鄢陵楚子鄭師敗績秋公會諸侯魯齊衛宋邾于

沙隨謀伐鄭鄭未服故七月公會周尹武公及諸侯伐鄭荀瑩以諸

侯之師侵陳遂侵蔡諸侯遷于潁上鄭宵軍之宋齊衛皆失軍

曹人請于我我歸曹成公九月執魯季孫行父于茗邱既而許

魯平赦行父冬十二月卻驪及行父盟于扈公使卻至獻楚捷

于周七年成十年春正月鄭侵我虛滑衛救我夏五月公會周尹

武公單襄公及諸侯魯宋衛曹齊邾伐鄭六月同盟于柯陵楚救鄭諸

侯還秋九月荀瑩如魯乞師冬公會諸侯伐鄭冬十月圍鄭楚

救鄭諸侯還公侈多外嬖欲盡去羣大夫而立其左右胥童怨

卻氏曰必先三卻族大多怨十二月殺卻錡卻驪卻至胥童以

甲劫欒書中行偃于朝公辭曰大夫無辱其復職位公遊于匠
麗氏欒書中行偃執公閏月殺胥童明年使程滑弑公葬之于
翼東門之外以車一乘諸侯葬七乘言左謚曰厲在位八年

悼公

悼公名周其大父捷襄公少子也不得立號為桓叔桓叔最愛

桓叔生惠伯談談生公子周史記厲公八年成十年春正月厲公

被弑欒書中行偃使荀瑩士訪逆公子周于京師而立之生十

四年矣大夫逆于清原公子曰孤始願不及此雖及此豈非天

乎抑人之求君使出命也立而不從將安用君二三子用我今

日否亦今日共而從君神之所福也對曰羣臣之願也敢不唯

命是聽盟而入館于伯子同氏辛巳朝于武宮遂不臣者七人

二月乙酉朔公即位始命百官施舍已責逮鰥寡振廢滯匡乏

困救災患禁淫慝薄賦斂宥罪戾節器用時用民欲無犯時凡

六官之長大國三卿晉置六卿為軍帥故曰六官皆民譽也舉不失職官不易方

爵不踰德師不陵正旅不偪師民無謗言魯公來朝夏六月士

句如魯聘拜朝也杞桓公來朝初魚石宋大夫叛宋楚取宋彭城以

封魚石宋圍彭城冬十一月楚救彭城伐宋宋來告急公救宋

遇楚師于靡角之谷楚師還士魴如魯乞師十二月公會諸侯

宋衛邾同盟于虛打謀救宋宋辭諸侯請圍彭城元年襄元春

正月欒廩會諸侯之大夫圍彭城彭城降我齊不會彭城我以

為討齊大子光為質于我夏五月韓厥荀偃帥諸侯之師伐鄭入其俘敗其徒兵于洧上魯齊曹邾杞次于鄆以待我師我師自鄭以鄆之師侵楚焦夷及陳公及衛獻公次于戚以為之援秋九月簡王崩靈王立冬荀營如魯聘二年襄二夏六月我師及宋師衛甯殖侵鄭秋七月荀營會諸侯之大夫魯宋衛曹邾于戚謀鄭冬復會于戚遂城虎牢以徧鄭鄭人乃成三年襄三春魯公來朝夏四月公及魯公盟于長樗我將合諸侯使士匄如齊乞盟乃盟于彤外六月公會周單武子及諸侯魯宋衛鄭曹邾齊同盟于雞澤使荀會逆吳子于淮上吳子不至陳使袁僑如會求成公使和組父告于諸侯秋及陳袁僑盟冬荀營伐許不會雞澤故四

年襄四夏魯叔孫豹來聘冬魯公來聽政受貢賦多請屬鄆許

之無終子山戎國名嘉父使因魏絳納虎豹之皮以請和諸戎公曰

不如伐之魏絳曰和戎有五利焉事見絳傳公說使絳盟諸戎五年

年襄五靈王使王叔陳生愬戎于我戎陵越周室故我執陳生士魴如京

師言陳生貳于戎夏魯叔孫豹覲鄆世子巫于我吳子使壽越

來請聽諸侯之好秋九月公會諸侯魯宋陳衛鄭曹莒邾滕薛齊吳鄆于戚會

吳且命戍陳冬諸侯戍陳楚伐陳公會諸侯魯宋衛鄭曹齊于城棣以

救之六年襄六莒滅鄆以鄆故討魯魯季孫宿來見且聽命七

年襄七冬楚圍陳十二月公會諸侯魯宋陳衛曹莒邾于鄆謀救陳陳

侯逃歸陳畏楚故八年襄八春魯公來朝夏五月公會鄭伯及諸侯

之大夫魯齊宋于邢邱以命朝聘之數冬士甸如魯聘九年襄

年夏魯季孫宿來聘秋饑秦侵我鄭及楚平冬十月公會諸侯

魯宋衛曹莒邾滕薛杞小邾齊伐鄭鄭成十一月同盟于戲將盟晉為載書曰

既盟之後鄭國不唯晉命是聽而有異志者有如此盟鄭曰既

盟之後鄭國不唯有禮與彊可以庇民者是從而而有異志者亦

如之我不得志于鄭以諸侯復伐之次于陰口而還公歸謀所

以息民魏絳請施舍輸積聚以貸自公以下苟有積者盡出之

國無滯積亦無困人公無禁利亦無貪民祈以幣更賓以特牲

器用不作車服從給行之期年國乃有節三駕而楚不能與爭

三駕謂十年師于牛首十一年春公會諸侯魯宋衛曹莒邾滕薛

杞小邾齊會吳于柤遂滅偃陽偃姓國通吳以偃陽子歸獻于武宮

謂之夷俘諱俘中國夏六月荀罃伐秦報前年秋公會諸侯魯

衛曹莒邾齊滕薛杞小邾伐鄭師于牛首城虎牢而戍之鄭及我平三駕楚

救鄭諸侯之師還鄭而南至于陽陵楚師不退師遂進與楚師

夾潁而軍鄭宵涉潁與楚人盟欒黶欲伐鄭荀罃不可諸侯之

師還侵鄭北鄙而歸周王叔陳生與伯輿爭政公使士甸平王

室王叔陳生來奔十一年襄十一年夏四月公會諸侯魯宋衛曹齊

邾小伐鄭六月圍鄭觀兵于南門鄭懼乃行成秋七月同盟于亳

盟載書曰凡我同盟毋蕝年毋壅利毋保姦毋留慝救災患恤

禍亂同好惡獎王室或間茲命司慎司盟名山名川羣神羣祀

先王先公七姓十二國之祖明神殛之俾失其民隊命亡氏踣其國家三駕之二楚秦伐鄭鄭逆之伐宋秋九月諸侯悉師復伐鄭

觀兵于東門鄭行成趙武入盟鄭伯鄭子展出盟公冬十一月

會于蕭魚赦鄭囚皆禮而歸之納斥候禁侵掠三駕之三秦伐我以

救鄭士魴御之戰于櫟我師敗績十二年襄十年夏士魴如魯聘

且拜師冬魯公來朝十三年襄十年蒐于縣楚敗吳吳來告敗十

四年襄十年春正月士匄會諸侯之大夫魯齊宋衛鄭曹莒會吳

于向謀楚故夏諸侯之大夫從公伐秦公待于竟使六卿帥諸

侯之師以進至于械林而還師歸舍新軍周為六軍諸侯三軍可也公以新軍無帥

故舍衛出其君獻公立公孫剽冬士匄會諸侯之大夫魯宋衛鄭莒邾

于戚謀定剽十五年襄十年冬十一月公薨左傳謚曰悼在位十五

年

平公

平公名彪悼公子悼公薨公即位元年襄十年春正月葬悼公鄭

子驕來送葬既葬改服修官烝于曲沃三月公會諸侯魯宋衛鄭曹莒

邾薛杞小邾于溴梁先是莒邾伐魯魯來告以魯故執邾宣公莒犁

比公且曰通齊楚之使公與諸侯宴于温荀偃及諸侯之大夫

盟夏五月荀偃會伐許許請遷大夫不可故次于函氏荀偃欒黶帥師伐

楚戰于湛阪楚師敗績遂侵方城之外復伐許而還冬魯叔孫

豹來聘三年襄十年夏執衛行人石買于長子執孫蒯于純留衛取

曹重邱曹魯宋衛鄭曹莒告于我故齊伐魯冬十月公會諸侯邾滕薛杞小邾于魯濟同

伐齊十一月入平陰克京茲克邾圍廬弗克十二月遂圍齊東

侵及濰南及沂四年襄十年春諸侯還自沂上盟于督揚我執邾

悼公伐魯故遂次于泗上取邾田自漑水歸之于魯二月欒魴從

衛伐齊魯季孫宿來拜師夏五月士句侵齊及穀聞齊侯卒乃

還冬十一月及齊平盟于大隧魯叔孫豹會士句于柯齊晉平魯懼故

五年襄二夏六月公會諸侯魯齊宋衛鄭曹莒邾滕薛杞小邾盟于澶淵齊成故

六年襄二十春魯公來拜師及取邾田秋欒盈出奔楚盈母欒祈與其

老州賓通祈懼討愬諸士冬十月公會諸侯魯齊宋衛鄭曹莒邾于商任

甸曰盈將為亂士句逐之冬十月公會諸侯魯齊宋衛鄭曹莒邾于沙隨復錮欒氏

也八年襄二十夏欒盈復入晉乘公門士句禦之欒氏退奔曲

沃我圍之秋齊伐我取朝歌為二隊入孟門登大行張武軍于

熒庭戍郟邵封少水以報平陰之役八月魯叔孫豹救我次于

雍榆冬十月克曲沃殺欒盈盡殺其族九年襄二十四春魯叔孫

豹來賀克欒氏夏五月秦晉成韓起如秦涖盟秦伯車來涖盟秋八

月公會諸侯魯宋衛鄭曹莒邾滕薛杞小邾于夷儀將伐齊水不克冬楚伐鄭

以救齊諸侯還救鄭楚子自棘澤還鄭公孫揮來聘十年襄二十

年夏五月公濟自泮會諸侯前諸侯于夷儀伐齊以報朝歌之役

齊請成許之公使逆衛獻公獻公于襄十四使衛與之夷儀秋七

月同盟于重邱齊成故鄭伐陳八月鄭國僑來獻捷冬十月鄭伯

來拜陳之功十一年襄二十六年春秦伯弟鍼來修成二月衛獻公

復歸于衛衛孫林父以戚來奔衛侵戚殺我茅氏戍三百人夏

荀吳如魯聘將討衛召公會六月趙武會魯公鄭良霄宋人曹人于澶

淵討衛疆戚田執甯喜衛獻公來執而囚之秋七月齊侯鄭伯

來為獻公故鄭伯歸使國夏來聘冬十二月衛歸衛姬于我乃釋獻

公韓起聘于周十二年襄二十七年夏趙武會諸侯之大夫魯楚蔡

許于宋秋七月盟于宋九月楚遠罷來涖盟十三年襄二十八年夏

諸侯齊陳蔡北燕杞胡沈白狄來朝宋之盟故秋八月魯仲孫羯來告如楚九月

鄭游吉來告朝楚冬十一月靈王崩景王立十四年襄二十九年夏

六月荀盈會諸侯之大夫魯齊宋衛鄭曹莒滕薛小邾城杞公杞出也故治杞士鞅

如魯聘女叔齊如魯治杞田冬魯仲孫羯來報士鞅十五年襄三十年

春鄭伯來夏五月王殺其弟佞夫王子瑕來奔冬十月趙武會

諸侯之大夫魯齊宋衛鄭曹莒邾滕薛杞小邾于澶淵宋災故以謀歸宋財既

而無歸十六年襄三十一年夏六月鄭伯來冬十一月吳屈狐庸來

聘通吳晉之路也十七年昭元年春正月趙武會諸侯之大夫魯楚齊宋衛陳蔡鄭

許于號尋宋之盟夏四月王使劉定公勞趙武于潁五月秦伯

之弟鍼來奔六月荀吳敗狄于大鹵公有疾鄭公孫僑來聘冬

十一月楚子麋被弑王子比來奔十八年昭二年春韓起如魯聘

遂如齊納幣為公聘少姜自齊聘于衛夏四月韓須如齊逆女

齊陳無宇送女致少姜謂無宇非卿執諸中都魯叔弓來聘報韓

尚史 晉世家卷二 阮

起秋七月少姜卒魯公來及河公辭曰非伉儷也乃還冬十月

齊陳無宇歸十九年昭三春正月鄭游吉來送葬齊請繼室于

我許之夏四月鄭伯來五月韓起如齊逆女秋七月鄭罕虎來

賀夫二十年昭四春正月楚椒舉來求會諸侯許之遂請昏亦

許之二十一年昭五春楚屈生遠罷來逆女公送女于邢邱鄭

伯會公于邢邱魯公來韓起如楚送女夏莒牟夷以牟婁及防

茲奔魯莒愬于我我欲止魯公士鞅諫乃歸魯公二十二年昭六

年夏魯季孫宿來拜莒田謝受莒邑六月楚公子棄疾來報韓起也

冬十一月齊侯來請伐北燕許之二十三年昭七春二月宋罕

朔來奔夏四月如魯治杞田為杞取成成魯邑鄭國僑來聘秋八

月衛襄公卒使士鞅如衛弔且反戚田二十四年昭八春石言

于魏榆晉地公問于師曠于是公方築虎祈之宮師曠對曰作事

不時怨讟動于民則有非言之物而言今宮室崇侈怨讟並作

石言不亦宜乎夏四月魯叔弓來賀虜祈鄭伯來亦賀虜祈二

十五年昭九春周甘人與閻嘉閻縣大夫爭閻田梁丙張趯並晉大夫率

陰戎伐潁王使辭于我辭責讓也適王有姻喪乃使趙成如周弔且

致閻田與禚反潁俘夏六月荀盈卒使荀躒盈之子佐下軍二十

六年昭十秋七月公薨左傳謚曰平在位二十六年未畢其心喪

昭公昭十昭公名夷平公子平公二十六年昭十薨公即位秋七月鄭伯

昭公名夷平公子平公二十六年昭十薨公即位秋七月鄭伯

晉世家卷二

來辭之游吉來弔九月葬平公諸侯之大夫魯齊宋衛鄭許曹莒邾滕薛杞小邾

來會葬欲因見新君昭公使羊舌肸辭之曰大夫之事畢矣而

又命孤孤斬焉在衰經之中其以嘉服見則喪禮未畢其以喪

服見是重受弔也大夫將若之何昭公元年昭十年楚圍蔡秋韓

起會諸侯之大夫魯齊宋衛鄭曹杞于厥慙謀救蔡使狐父晉大夫請蔡

于楚弗許韓起會周單子于戚二年昭十年夏齊侯衛侯鄭伯來

朝魯取郟莒愬于我我以平公之喪故未之治至是魯公來辭

之公子慙來夏六月荀吳假道于鮮虞遂入昔陽肥國滅肥以

肥乎歸畢歸冬伐鮮虞三年昭十年我成虎祁諸侯朝而歸者皆

有貳心為取郟故將以諸侯討魯乃徵會告于吳秋公將會吳

子于良水道不可吳子還七月治兵于邾公會周劉子及諸侯

魯齊宋衛鄭曹莒邾滕薛杞小邾于平邱以莒邾愬故辭魯公八月同盟于平

邱魯公不與盟執魯季孫意如以歸荀吳侵鮮虞大獲而歸冬

十月魯公來使士彌牟辭之于河歸魯季孫意如五年昭十年秋

荀吳伐鮮虞圍鼓克之以鼓子戴鞅歸冬魯公來荀躒如周葬

穆后六年昭十年春三月韓起聘于鄭秋公薨左傳謚曰昭在位六

年

頃公

頃公名去疾昭公子昭公六年昭十年薨公即位冬十月葬昭公

魯季孫意如來會葬頃公元年昭十年秋九月荀吳帥師滅陸渾

之戎陸渾子奔楚五年昭二十一年夏士鞅如魯聘宋華亥叛宋冬

十一月荀吳會諸侯之大夫齊衛曹救宋魯公來及河鼓叛我故

辭之六年昭二十二年夏四月景王崩悼王立六月荀吳襲鼓滅之

以鼓子戴鞅歸使涉佗晉大夫守之周王子朝攻悼王王室亂冬

十月籍談荀躒帥九州之戎及焦瑕温原之師納王于王城十

一月悼王崩敬王立十二月籍談荀躒賈辛司馬督帥師次于

社閏月箕遺樂徵右行詭濟師取前城軍其東南王師伐京子朝

所毀其西南七年昭二十三年春正月我師及王師圍郊鄆潰我

師在平陰王師在澤邑王使告間我師還魯取邾師邾愬于我

我以為討魯叔孫婁來執之夏六月周尹氏立王子朝冬十月

魯公來及河有疾而復八年昭二十四年春二月歸魯叔孫婁三月

公使士彌牟涖問周故辭王子朝不納其使夏六月鄭伯來乃

徵會于諸侯謀納王九年昭二十五年夏趙鞅會諸侯之大夫魯宋衛鄭

曹邾滕薛小邾于黃父令輸王粟具戍人曰明年將納王十年昭二十六年

夏四月周單子來告急秋七月王次于滑荀躒趙鞅帥師納王

使女寬守闕塞冬十月王起師于滑十一月我師克鞏王子朝

奔楚王入于成周使成公般晉大夫戍周而還十一年昭二十七年春

吳公子札來聘秋士鞅及諸侯之大夫宋衛曹邾滕會于扈令成周

且謀納魯公魯昭公伐季氏不克出居鄆事見二十五年冬十二月籍秦致諸侯之

戍于周十二年昭二十八年春魯公來請逆于我逆著于乾侯夏六

月殺祁盈及楊食我秋韓起卒十三年昭二十九年冬趙鞅荀寅帥

師城汝濱遂鑄刑鼎十四年昭三十年夏六月公薨左傳謚曰頃在位

十四年昭三十一年春正月公將以師納魯公召

定公名午頃公子頃公十四年昭三十年薨公即位秋八月葬頃公

鄭游吉來弔且送葬元年昭三十一年春正月公將以師納魯公召

魯季孫意如既而不果納二年昭三十二年冬十一月魏舒韓不信

如京師合諸侯之大夫魯齊宋衛鄭曹莒薛杞小邾于狄泉尋盟平邱之盟且令

城成周三年定元年春城成周宋不受功執宋仲幾以歸三月歸

諸京師城三旬而畢乃歸諸侯之戍五年定三年春正月魯定公

來至河乃復秋九月鮮虞人敗我師于平中獲觀虎六年定四年

春三月公會周劉子及諸侯魯宋蔡衛陳鄭許曹莒邾頓胡滕薛杞小邾齊于召陵侵

楚夏五月諸侯盟于臯鼬秋七月士鞅及衛孔圉伐鮮虞七年

定五年冬士鞅圍鮮虞周儋翩王子朝餘黨因鄭人以作亂鄭于是伐

周胥靡八年定六年春二月魯侵鄭取匡夏季孫斯來獻鄭俘仲

孫何忌來報夫人之幣六月閭沒戍周且城胥靡秋八月執宋

行人樂祁犁與趙鞅私飲酒于縣上故冬十二月王辟儋翩之亂處于姑蘄

九年定七年秋齊侯鄭伯盟于鹹鄭始叛我齊侯衛侯盟于沙衛

始叛我冬十一月周單子劉子逆王籍秦送王入于王城十年

定八年春歸宋樂祁犁卒于大行乃止其尸以求成夏齊伐魯士

晉世家卷二

晉世家卷二

鞅趙鞅荀寅救魯魯公會我師于瓦我師將盟衛侯于鄆澤涉

佗成何辱衛侯

怒其與齊盟故

衛叛我我請改盟弗許秋士鞅會周成

桓公侵鄭遂侵衛十一年

定九年

春宋向巢來盟且逆樂祁犁之

尸夏魯陽虎自宋來奔適趙氏秋齊為衛故伐我夷儀我敗之

于中牟獲齊車五百乘十二年

定十年

春魯及齊平魯始叛我夏

趙鞅圍衛討衛叛故執涉佗求成于衛衛不許遂殺涉佗成何

奔燕十五年

定十年

春齊侯衛侯使師伐我河內趙鞅殺邯鄲午

趙稷

邯鄲午之子

以邯鄲叛夏六月籍秦圍邯鄲秋七月荀寅士吉

射伐趙鞅鞅奔晉陽晉人圍之冬十一月荀躒韓不信魏曼多

奉公以伐荀寅士吉射荀寅士吉射奔朝歌十二月趙鞅歸十

六年

定十四年

夏圍朝歌魯齊衛謀救范中行氏析成鮒小王桃甲

二子晉大夫范中行氏之黨

率狄師以襲我戰于絳中不克而還冬十二月

敗范中行氏之師于潞又敗鄭師范氏之師于百泉十八年

哀元年

夏四月齊侯衛侯救邯鄲圍五鹿秋八月齊侯衛侯會于乾

侯救范氏魯齊衛鮮虞伐我取棘蒲冬十月趙鞅伐朝歌十九

年

哀二年

衛靈公卒夏六月趙鞅納衛太子蒯聩于戚秋八月齊

人輸范氏粟鄭人送之趙鞅禦之戰于鐵大敗鄭師獲齊粟千

車二十年

哀三年

冬十月趙鞅圍朝歌荀寅奔邯鄲二十一年

哀四年

秋七月齊衛救范氏圍五鹿九月趙鞅圍邯鄲邯鄲降荀寅

奔鮮虞趙稷奔臨齊弦施逆之遂墮臨國夏伐我取邢任欒郤

逆時陰人孟壺口

八邑並晉地

會鮮虞納荀寅于栢人二十二年

哀五年

年春圍栢人荀寅士吉射奔齊夏趙鞅伐衛

助范氏故

圍中牟二十

三年

哀六年

春伐鮮虞

治范氏之亂也

二十四年

哀七年

春魏曼多帥師侵

衛二十七年

哀十年

夏趙鞅帥師伐齊取犁及轅毀高唐之郭侵

及賴而還三十年

哀十三年

夏公會周單平公魯公及吳子于黃池

秋七月盟吳先我三十一年

哀十四年

秋趙鞅帥師伐衛三十二年

哀十五年

秋趙鞅帥師伐衛冬公伐鄭三十四年

哀十七年

夏六月趙鞅

圍衛齊救衛乃還冬十月復伐衛衛出莊公而與我平我立襄

公之孫般師而還三十五年

哀十八年

冬敬王崩

左傳在哀十九年

元王立

左傳

三十七年

哀二十年

公薨

史記

謚曰定在位三十七年

論小五

出公

以下戰國

哀公

懿公

幽公

烈公

孝公

靜公

出公名鑿定公子定公薨公即位出公三年

哀二十三年

夏六月荀

瑤伐齊戰于犁邱齊師敗績四年

哀二十四年

夏四月公將伐齊如

魯乞師魯滅石會之取廩邱六年

哀二十六年

元王崩定王立七年

哀二十七年

夏四月荀瑤伐鄭齊救鄭瑤還十一年

悼四年

荀瑤圍鄭

十七年荀瑤與趙韓魏共分范中行地以為邑公怒告齊魯

欲以伐四卿四卿恐反攻公公奔齊道死

紀年出公十一年

晉

南梁

出公在位十八年荀瑤立昭公曾孫忌為晉君是為哀公

晉世家在悼十七年又云昭公少子雍生忌忌善知伯蚤死立

忌子驕為君是為哀公年表出公十八年次哀公忌二年次懿公驕十七年紀年出公二十三年奔楚乃立昭公之孫是為敬公系本昭公生札桓公子雍雍生忌忌生懿公驕諸說不一

晉世家卷二

晉世家卷二

三

按晉世家昭公曾孫驕是為哀公哀公十八年卒子幽公柳立是驕即哀公而無懿公趙世家又云驕是為懿公史說自抵牾今姑從
哀公大父雍昭公少子也號為戴子世本作桓子戴子雍注云戴子

孫哀公忌哀公二年薨謚曰哀荀瑤欲盡并晉未敢乃立哀公

子驕為君是為懿公當是時晉國政皆決荀瑤懿公不得有所

制荀瑤遂有范中行地最彊懿公二年趙無恤韓虎魏駒共殺

荀瑤盡并其地紀年在出公二十二年。按年表出公十八年加哀公二年懿公二年適當出公二十二年

十四年定王崩哀王立弟叔弒哀王自立是為思王王子嵬殺

叔自立是為考王十七年公薨謚曰懿子幽公柳即位世本懿公生幽

公柳紀年敬公幽公之時晉畏畏懼也言衰弱也反朝韓趙魏之君獨

有絳曲沃餘皆入三晉紀年幽公七年晉大旱地生鹽九年丹水出反相擊十二年考王

崩威烈王立十五年魏文侯斯初立紀年在敬公十八年十八年幽公淫

婦人夜竊出邑中盜殺幽公紀年夫人秦嬴賊謚曰幽魏斯以

兵誅晉亂立幽公子止是為烈公系本幽公生烈成公止年表魏誅幽公立其弟止紀年烈

公四年趙氏城平邑五年田公子居思伐趙鄙圍平邑十年田盼及邯鄲韓舉戰于平邑獲韓舉取平邑新城烈公十

七年王賜趙籍韓虔魏斯皆命為諸侯晉世家在烈公十九年今在十七年者因前增

哀公之二年十八年威烈王崩安王立二十七年公薨謚曰烈

子孝公頎立系本孝公頎欣紀年以孝公為桓公韓子有晉桓侯孝公九年魏武侯初立

襲邯鄲不勝而去十七年公薨謚曰孝紀年桓公二十年趙成侯韓共侯遷桓公于屯

留子靜公俱酒立是年安王崩烈王立靜公二年魏武侯韓哀

侯趙敬侯滅晉後而三分其地晉公遷為家人晉絕不祀史記

贊曰宣王立魯戲卒自誅命不順故也曲沃奪宗僖王不誅而以賂成之周之衰自衰已吾聞之以尊履卑天之經也小不加大王之紀也苟反之不可以國晉既反之象之者何誅焉然則三家之分君子怨僖而威烈是責不亦後乎獻去桓莊文夷惠懷刻薄寡恩祇以成霸其量固不遠矣雖然文有踐土河陽之會悼有雞澤亳之盟定天位獎王室不有霸者周替久矣是故聖人出則霸者奴王迹息則桓文趨傷無援也

尚史 卷之三

世家三

襄平李錯鐵君甫纂

齊世家

始武王十三年終安王二十三年凡七百四十四年傳二十八世

太公 丁公 乙公 哀公 胡公

太公是為師尚父武王已平商而王天下封師尚父于齊營邱

及成王少時管蔡作亂淮夷畔周乃使召康公命太公曰東至

海西至河南至穆陵北至無棣五侯九伯實得征之齊繇此得

征伐為大國都營邱太公之薨百有餘年子丁公呂伋即位丁

公薨正義謚法述義不克曰丁。按以丁為謚則乙公子乙公

得即位乙公薨子癸公慈母即位系本作祭公古史考作祭公慈心癸公薨子

哀公不辰即位世本作不臣宋襄曰哀公荒淫田游史作還之詩以刺之哀公時紀侯譖之

周夷王王烹哀公而立其弟靜是為胡公史記太公封于營邱比

及五世皆反葬于周記檀弓胡公徙都薄姑獻公山襲殺之史記自

胡公以上其年皆莫可考

獻公 武公 厲公 文公 成公 莊公

獻公名山哀公同母少弟周夷王烹哀公而立胡公厲王時山

怨胡公乃與其黨率營邱人襲攻殺胡公而自立是為獻公獻

公元年盡逐胡公子因徙薄姑都治臨菑九年公薨謚曰獻子

武公即位武公名壽武公九年厲王出奔居彘十年王室亂大

臣行政號曰共和二十四年宣王初立二十六年公薨謚曰武

子厲公即位厲公名無忌厲公九年暴虐故胡公子復入齊齊

人欲立之乃與攻殺厲公胡公子亦戰死齊人乃立厲公子赤

為君而誅殺厲公者七十人謚公曰厲世家無年用年表公子赤立是

為文公文公十二年薨謚曰文子成公即位成公名脫系本古史考並

作說成公九年薨謚曰成子莊公即位莊公名購系本莊公並作贖

十三年宣王崩幽王立二十四年犬戎殺幽王周東徙維六十

四年公薨謚曰莊史記

僖公 以下春秋

僖公名祿父莊公子莊公薨僖公即位九年魯隱公初立史記十

一年隱三年春三月平王崩桓王立冬十二月公及鄭伯盟于石

門先是與鄭盟于盧十四年隱六夏五月公會魯公盟于艾十

五年隱七夏使弟夷仲年如魯聘十六年隱八春將平宋衛秋

公會宋公衛侯于温盟于瓦屋八月鄭伯以我朝王瓦屋周地鄭莊公以

公在周地故十七年隱九宋不王王命伐宋冬公會魯公于防

謀伐宋十八年隱十春正月公會魯公鄭伯于中邱盟于鄧夏

五月會伐宋六月復會于老桃敗宋師冬及鄭入郟討違王命不伐宋

十九年隱十秋七月公會魯公鄭伯伐許入之二十二年桓三

春正月公會魯公于羸成昏于我也夏公及衛侯胥命于蒲秋七月

魯公子翬來逆女公送姜氏于謹魯公來會冬夷仲年如魯聘

二十四年桓五夏公及鄭伯朝于紀欲襲紀紀人知之二十五年桓六

夏北戎伐我我乞師于鄭六月鄭敗戎師諸侯使大夫來戍二

十六年桓七秋及鄭衛伐盟向二邑名二十九年桓十冬公及衛

鄭戰魯于郎三十年桓十及衛鄭宋盟于惡曹三十二年桓十

春二月魯公紀侯鄭伯及我與宋衛燕戰我師宋師衛師燕師

敗績三十三年桓十冬十二月公薨左傳謚曰僖在位三十三年

襄公

襄公名諸兒僖公子僖公薨襄公即位元年桓十春三月桓王

崩莊王立夏四月葬僖公六月公會魯公于艾謀定許二年桓十

冬衛惠公來奔左公子洩右公子職立公子黔牟故三年桓十春正月公會魯公

紀侯盟于黃平齊紀且謀衛夏及魯師戰于奚疆事也四年桓十春正月

公會魯公于濼遂及文姜來公通焉魯公謫文姜文姜以告夏

四月享魯公使公子彭生乘魯公魯公卒于車魯人來讓殺

彭生鄭高渠彌弒昭公立公子亶秋公師于首止殺子亶而輟

高渠彌五年莊元春三月魯文姜來奔冬王姬歸于我我師遷

紀邢鄆部欲滅紀故六年莊二秋七月王姬卒冬十二月公會

魯文姜于禚文姜還魯七年莊三春會魯師伐衛秋紀季紀侯

以鄆入于我我欲滅紀故八年莊四春二月魯文姜享公于祝

邱夏公及陳侯鄭伯遇于垂紀侯大去其國違齊九年莊五夏

魯文姜來我師冬會魯宋陳蔡伐衛納惠公十年莊六冬歸衛

寶于魯文姜請十一年莊七春魯文姜會公于防冬復會于穀

十二年莊八夏師及魯師圍郕郕降于我冬十二月公游于姑

焚遂田于貝邱見大豕從者曰公子彭生也公怒曰彭生敢見

射之豕人立而啼公懼隊于車傷足連稱管至父弒公而立公

孫無知左謚曰襄在位十二年

桓公

桓公名小白僖公之庶子其母衛女也史初襄公之立也無常

小白出奔莒及亂作公子糾奔魯齊人立公孫無知桓公元年

莊九春雍廩齊大殺無知夏魯伐我納子糾小白自莒先入立

是為桓公史記雍廩人襲殺無知告齊大夫曰更立公子之當

管仲名忽傳之弟小白奔莒鮑叔傅之小白少好善大夫殺無

知高國先陰召小白魯亦發兵送子糾而使管仲別將兵遮莒

道射中小白帶鉤小白佯死管仲使報魯魯送糾者行遲六日
至齊小白已入立為桓公桓公載溫車中馳行又有高國應故
得先入立呂氏春秋同管子襄公逐小白小白走莒襄公薨公
子糾踐位國人召小白小白曰不可管仲知召忽疆武鮑叔曰
管仲得行其志于國國可謂亂乎召忽疆武豈能獨圖我哉乃
命車駕鮑叔御小白乘而出于莒至于邑郊鮑叔令車二十乘
先十乘後乃誓曰事之濟也聽我令事之不濟也免公子者為
上死者為下吾以五乘之實距路鮑叔乃為前驅遂入國逐公
子糾管仲射小白中鉤管仲與公子糾
召忽遂走魯魯伐齊納公子糾而不能
秋七月葬襄公八月我
及魯師戰于乾時魯師敗績鮑叔牙帥師如魯曰子糾親也請
君討之管召讐也請受而甘心焉乃殺子糾于生竇召忽死之
管夷吾請囚鮑叔牙受之及堂阜而稅之歸而以告曰管夷吾
治于高僂使相可也公從之
左國語桓公反于齊使鮑叔為宰
傳辭曰非臣之所能也若必治國
家者則管夷吾乎公曰管夷吾射寡人中鉤是以濱于死對曰
夫為其君動也君若宥而反之夫猶是也公曰施伯魯之謀臣

也知吾將用之必不予對曰使人請諸魯曰寡人有不令之臣
在君之國欲以戮于羣臣故請之則予我矣公請諸魯施伯曰
非欲戮之也欲用其政也令彼在齊必長為魯國憂矣殺而以
其屍授之將殺管仲使者請曰寡君欲生為戮若不生得猶未
得請也于是束縛以子齊
史記管子呂氏春秋畧同桓公既得管夷吾與鮑叔牙隰朋高
僂修齊國政連五家之兵設輕重魚鹽之利
輕重錢也又有以
捕魚煮鹽法

瞻負窮祿賢能齊人皆說
史記二年春伐魯魯敗我師于長

勺夏六月我師宋師次于郎魯敗宋師于乘邱我師乃還冬滅

譚譚子奔莒
公之出也過譚譚不禮焉
及入諸侯皆贊譚又不至三年冬公如魯逆

王姬
即共姬桓
公夫人四年莊十莊王崩僖王立五年莊十春公及宋

陳蔡邾會于北杏以平宋亂
宋弒閔公故
衣裳之會一遂人不至夏滅遂而

戌之冬公會魯公盟于柯
左傳魯將盟曹劌以匕首劫公于壇上

曰反魯之侵地公許之已而曹劌去七首北面就臣位公後悔
欲無與魯地而殺曹劌管夷吾曰夫劫許之而倍信殺之愈一
小快耳而棄信于諸侯失天下之援不可于是遂與魯地諸侯

聞之皆信齊而欲附焉史又曰五年伐魯魯將師敗公獻遂
記邑以平又曰與曹沫三敗所亡地國

策亦曰三戰之所亡一朝而復之○按遂國名舜後以不會北
杏故滅之非魯邑也且長勺郎之師魯皆勝無三敗事史誤又

曹沫事傳不載公羊穀宋背北杏之會六年莊十
四年春諸侯齊陳
曹

伐宋我請師于周夏單伯會之取成于宋而還冬公會單伯及

諸侯齊宋
衛鄭于鄆宋服故衣
裳之會二七年莊十
五年春公復會諸侯宋陳
衛鄭于鄆

齊始霸衣裳之
會三秋諸侯為宋伐鄆鄆附庸屬
宋而叛故鄭人間之而侵宋

八年莊十
六年夏諸侯宋齊
衛伐鄭冬十二月公會諸侯宋陳衛鄭
許滑滕魯同

盟于幽鄭成故衣
裳之會四九年莊十
七年春執鄭詹鄭大夫鄭
不朝齊故夏遂人饗我

戍醉而殺之我戍殲焉穀遂之因氏
飲戍者而殺之僖王崩惠王立十一年

莊十
九年秋公及宋公魯公子結盟于鄆冬我及宋陳伐魯西鄙微
者

會鄆
盟故十二年莊二
十年夏大災冬伐戎十四年莊二
十年春陳公子完

來奔秋七月高偃及魯盟于防冬魯公來納幣十五年莊二
十年

夏魯公來觀社公及魯公遇于穀冬十二月公會魯公盟于扈

十六年莊二
十年夏魯公來逆女十八年莊二
十年秋我會魯宋伐

徐十九年莊二
十年夏六月公會諸侯魯宋
陳鄭同盟于幽陳鄭服故
衣裳之會

五冬公會魯公于城濮二十年莊二
十年春公伐衛敗衛師數之

以王命取賂而還秋荆伐鄭我會魯宋救鄭二十二年莊三
十年秋

七月降鄣

紀附庸國

冬公及魯公遇于魯濟

謀山戎以左其病燕故傳

山戎伐燕

燕來告急公救燕遂伐山戎至于孤竹而還燕莊公送公于齊

境公曰非天子諸侯相送不出境吾不可以無禮于燕于是分

割燕君所至與燕命燕君復修召公之政納貢于周如成康時

諸侯聞之皆從齊

史管子桓公北伐孤竹至卑耳之谿十里援記弓將射引而未敢發謂左右曰見是前人

乎對曰不見也公曰事其不濟乎寡人見人長尺而人物具焉

冠右祛衣走馬前疾事其不濟乎管仲對曰臣聞登山之神有

俞兒者長尺而人物具焉霸王之君興而登山神見且走馬前

疾道也祛衣示前有水也右祛衣示從右方涉也至卑耳之谿

贊水者曰左方涉深及冠右方涉深至膝右涉其大濟桓公立

拜管仲于馬前曰仲父之聖至若此又曰桓公曰天下之國莫

强于越今寡人欲北舉事孤竹離枝恐越人之至為此有道乎

管子對曰君請過原流大夫立沼池以矩游為樂則越人安敢

至桓公曰行事奈何對曰請以令隱三川立貞都立大舟之都

大身之都有淵深壘十仞令曰能游者賜千金未能用金于齊

民之游水不避吳越桓公終北舉事于孤竹離枝越人果至隱

曲蓄以水齊管子有扶身之士五萬人以待戰于曲蓄大敗越

人○按是時越為小國未嘗見諸經何得有敗越事又伐孤竹

而備越亦不相及矣韓非子有老馬知道蟻壤得水事見隰朋

傳二十三年莊三十一年夏六月公如魯獻戎捷說苑桓公將伐山戎使人請助于魯

魯許助之而不行齊已伐山戎而欲移兵于魯管仲曰不可伐遠而還誅近鄰鄰國不親非霸王之道君所得山戎之寶器不可不進周公之廟乎桓公乃分山戎之寶獻之周公之廟明年起兵伐莒魯下令丁男悉發五尺童子皆至○伐莒事未聞

二十四年莊三十二年春公為楚伐鄭之故請會于諸侯宋公請先

見夏遇于梁邱冬十月魯莊公卒公子慶父弒子般慶父來奔

公子友奔陳二十五年閔元年春秋伐邢管夷吾言于公曰戎狄

豺狼不可厭也諸夏親暱不可棄也宴安酖毒不可懷也請救

邢我師救邢秋八月公及魯公盟于落姑魯請復公子友許之

冬仲孫湫如魯省難二十六年閏二春正月遷陽陽國名齊秋

八月魯慶父弒閔公哀姜公女弟與知之故孫于邾公取而殺之

于夷以其尸歸冬高侯如魯盟十二月狄入衛衛立戴公以廬

于曹衛邑公使公子無虧帥車三百乘甲士三千人以戍曹歸公

乘馬祭服五稱牛羊豕雞狗皆三百與門材歸夫人魚軒重錦

三十兩二十七年僖元年春正月我師宋師曹伯次于聶北救邢

邢人潰出奔師師逐狄人具邢器用而遷之師無私焉夏邢遷

于夷儀諸侯城之楚伐鄭秋八月公會諸侯魯宋鄭曹邾于榿謀救

鄭衣裳之會六二十八年僖二年春正月諸侯城楚邱而封衛秋七月

公及宋公江人黃人盟于貫服江黃也衣裳之會不在九合之數寺人貂始漏師

于多魚漏洩軍事也二十九年僖三年秋公及宋公江人黃人會于陽

穀謀伐楚也衣裳之會不在九合之數公尋魯盟冬魯公子友來涖盟三十年僖四年

春正月公會諸侯魯宋陳衛鄭許曹侵蔡蔡潰遂伐楚次于陘夏楚

屈完來盟于師盟于召陵執陳轅濤塗誤軍道故冬十二月我會諸

侯魯宋衛鄭許曹之師侵陳陳成歸轅濤塗三十一年僖五年夏公及諸

侯魯宋陳衛鄭許曹會王世子于首止王以惠后故將廢太子公帥諸侯會之以定其位衣裳之會七

秋八月諸侯盟于首止鄭伯逃歸不盟三十二年僖六年夏公會

諸侯魯宋陳衛曹伐鄭圍新城秋楚人圍許諸侯遂救許三十三年

僖七年春我伐鄭秋七月公會諸侯魯宋陳鄭盟于甯母衣裳之會八公修

禮于諸侯諸侯官受方物諸侯官司各于齊受其方所當貢天子之物鄭伯使太子

華聽命于會言于公曰洩氏孔氏子人氏三族實違君命若君去之以為成我以鄭為內臣君亦無所不利焉公將許之管夷吾曰君以禮與信屬諸侯而以姦終之不可公辭焉冬鄭來請盟閏月惠王崩襄王惡大叔帶之難懼不發喪而告難于我三十四年僖八年春正月公會王人及諸侯魯宋衛許曹陳盟于洮謀王室鄭伯乞盟襄王定位而後發喪兵車之會一三十五年僖九年夏公會宰周公及諸侯魯宋衛鄭許曹于葵邱王使宰孔賜公胙曰天子有事于文武使孔賜伯舅胙公將下拜孔曰且有後命天子使孔曰以伯舅耄老加勞賜一級無下拜對曰天威不遠顔咫尺小白余敢貪天子之命無下拜恐隕越于下以遺天子羞敢不下拜

下拜登受秋九月戊辰諸侯盟于葵邱曰凡我同盟之人既盟

之後言歸于好穀梁蔡邱之盟陳牲而不殺讀書加于牲上壹

明天子之禁曰毋雍泉毋訖糴毋易樹子毋以妾為妻毋使婦人與國事公羊葵邱之會桓公震而矜之叛者九國晉獻公卒里克殺奚齊卓子

冬公以諸侯之師伐晉及高粱而還隰朋帥師會秦師納晉惠

公三十六年僖十年春正月魯公來夏四月隰朋立晉惠公公及

許男伐北戎三十七年僖十一年夏魯公及夫人姜氏會公于陽穀

三十八年僖十二年王以戎難討王子帶去年子帶召戎伐京師子帶來奔冬

公使夷吾平戎于王使隰朋平戎于晉三十九年僖十三年春使仲

孫湫聘于周夏公會諸侯魯宋陳衛鄭許曹于鹹淮夷病杞故且謀王室兵車之會二秋

為戎難故諸侯成周使仲孫湫致之四十年僖十四年春諸侯城緣

陵而遷柩四十一年

僖十年

春正月魯公來楚伐徐三月公會諸

侯魯宋陳衛

盟于牡邱

楚伐徐救徐也

諸侯之師救徐諸侯次

于匡以待之秋伐厲以救徐四十二年

僖十年

夏伐厲不克救徐

而還秋王以戎難來告我徵諸侯而戍周冬十二月公會諸侯

魯宋陳衛

于淮

謀鄆且東畧也

城鄆役人病有夜登邱而呼曰

齊有亂不果城而還四十三年

僖十年

春我及徐人伐英氏魯滅

項我討魯止魯公秋魯夫人聲姜會公于卞

請魯公也

初公之夫人

三王姬徐嬴蔡姬皆無子公好內多內寵內嬖如夫人者六人

長衛姬生無虧少衛姬生惠公鄭姬生孝公葛嬴生昭公密姬

生懿公宋華子生公子雍公與管仲屬孝公于宋襄公以為太

子雍巫有寵于衛共姬因寺人貂以薦羞于公亦有寵公許之

立無虧管夷吾卒五公子皆求立冬十月公薨易牙入與寺人

貂因內寵以殺羣吏而立公子無虧孝公奔宋十二月乙亥赴

辛巳夜殯

史記桓公病五公子各樹黨爭立及公卒遂相攻以故宮中空莫敢棺公尸在牀上六十七日尸蟲出于

戶呂氏春秋管仲有疾桓公往問之曰仲父之疾病矣將何以

教寡人管仲對曰願君之遠易牙豎刁常之巫衛公子啟方公

曰諾管仲死盡逐之食不甘宮不治苛病起朝不肅居三年公

曰仲父不亦過乎皆復召而反明年公有病常之巫從中出曰

公將以某日薨易牙豎刁常之巫相與作亂塞宮門築高牆不

通人矯以公令有一婦人踰垣入至公所公曰我欲食婦人曰

吾無所得公又曰我欲飲婦人曰吾無所得公曰何故對曰易

牙豎刁常之巫相與作亂塞宮門築高牆不通人故無所得衛

公子啟方以書社四十下衛公慨焉歎涕出曰嗟乎聖人之所

見豈不遠哉若死者有知將何面目以見仲父乎蒙衣袂而絕

乎壽宮蟲流出于戶上蓋以楊門之扇三月不葬○孝公元年

事類趙主父桓公霸王必不至是三月不葬亦誤

尚史 齊世家卷三

僖十年 秋八月葬桓公 左皇覽桓公冢在臨菑城南七里所菑水

山上亦名鼎足山一所二墳晉永嘉末人發之初得版次得水

銀池有氣不得入經數日乃牽犬入得金蠶數十薄珠襦玉匣

繒綵軍器不可勝數又 謚曰桓在位四十三年當桓公時周室

微唯齊楚秦晉為彊晉初與會獻公死國內亂秦穆公辟遠不

與中國會盟楚成王初收荆蠻有之夷狄自置唯獨齊為中國

會盟而桓公能宣其德故諸侯賓會于是桓公稱曰寡人南伐

至召陵望熊山北伐山戎離枝孤竹西伐大夏涉流沙東馬懸

車登太行至卑耳山而還諸侯莫違寡人寡人兵車之會三乘

車之會六九合諸侯一匡天下昔三代受命有何以異于此乎

吾欲封泰山禪梁父管夷吾固諫不聽乃說桓公以遠方珍怪

物至乃得封桓公乃止 史淮南子桓公立政去食肉之獸食粟

外傳 同 孝公 記之鳥係罝之網三舉而百姓說韓詩

孝公名昭桓公子母鄭姬桓公與管夷吾屬孝公于宋襄公以

為大子桓公薨易牙立公子無虧 長衛姬子武孟 孝公奔宋孝公元年

僖十年 春宋襄公以諸侯 曹衛 之師伐我我殺無虧將立孝公不

勝四公子之徒遂與宋人戰夏五月宋敗我師于麇立孝公三

年 僖二年 秋及狄人盟于邢 衛伐邢故 四年 僖二十一年 及宋楚盟于鹿上

六年 僖二十三年 我伐宋圍緡 討不與齊盟于齊 九年 僖二十六年 春侵魯西鄙魯

追我師至鄆弗及 討魯與衛莒盟故 夏伐魯北鄙衛伐我冬魯以楚師

伐我取穀寘桓公子雍于穀雍巫奉之以為魯援楚申公叔侯
成之十年僖二十七年夏六月公薨秋八月葬左傳謚曰孝在位十年

昭公名潘桓公子母曰葛嬴孝公薨弟公子潘即位是為昭公
元年僖二十八年春二月公及晉侯盟于欽孟穀成迫故夏四月國歸父

及諸侯之師敗楚于城濮五月公會周王子虎及諸侯晉魯宋蔡鄭衛
莒盟于踐土冬公會諸侯晉魯宋蔡鄭陳莒邾秦于温天王狩于河陽諸

侯遂圍許二年僖二十九年夏國歸父會周王子虎及魯公諸侯之
大夫晉宋陳秦盟于翟泉三年僖三十年狄侵我六年僖三十三年國歸父聘

于魯秋狄侵我冬魯公來朝七年文元年冬魯公孫敖來聘八年

文二年魯公子遂來納幣十年文四年魯來逆出姜狄侵我十三年

文七年公會諸侯魯宋衛陳鄭許曹晉大夫盟于扈晉靈公立故十四年文八年

秋八月襄王崩頃王立十五年文九年魯出姜來歸寧夏狄侵我
十七年文十一年鄭瞞侵我二十年文十四年春頃王崩匡王立夏五月

公薨左傳謚曰昭在位二十年
懿公名商人亦桓公子母曰密姬魯女子叔姬妃昭公生舍叔

姬無寵舍無威商人驟施于國而多聚士盡其家貸于公有司
以繼之昭公二十年文十四年薨舍即位秋七月商人弒舍而自立

冬周單伯來為魯請子叔姬執之又執子叔姬懿公元年文十五年

赦單伯秋侵魯西鄙冬十一月晉會諸侯宋衛蔡陳盟于扈謀

伐我我賂晉侯不克伐而還十二月歸魯子叔姬侵魯西鄙遂

伐曹入其郭討其朝魯故二年文十年春及魯平公會魯季孫行父于

陽穀夏六月公及魯公子遂盟于鄆邱三年文十年伐魯北鄙經作

西鄙蓋誤魯請盟夏六月公及魯公盟于穀冬魯公子遂來四年文十

八年春公將伐魯戒師期而有疾醫曰不及秋將死夏五月公游

于申池邠歇閻職弒公納諸竹中國人立公子元左傳謚曰懿在

位四年文十年王崩懿王立十五年文十年出姜來歸懿王將葬

惠公文十年晉大夫盟于武宮文十年十四年文十年

惠公名元亦桓公子母曰少衛姬初懿公商人之弒舍也讓于

兄元元曰爾求之久矣我能事爾爾不可使多蓄憾將免我乎

爾為之懿公遂立元不順懿公之為政終不曰公曰夫已氏懿

公四年文十年遇弒國人立元是為惠公是年魯文公卒秋公子

遂叔孫得臣來請立文公庶子倭公新立欲親魯許之魯遂弒

文公大子惡及弟視立倭即宣公冬出姜大子惡母歸于我季孫行父

來惠公元年宣元年春魯公子遂來逆女夏魯季孫行父來納賂

以請會公會魯侯于平州定宣公位也公子遂來拜成六月我取魯

濟西田二年宣二年冬十月匡王崩定王立三年宣三年秋赤狄侵

我四年宣四年春公及魯侯平莒及邾莒人不肯魯伐莒夏赤狄

侵我秋魯侯來五年宣五年春魯侯來高固使公止魯侯請叔姬

秋九月高固如魯逆叔姬六年宣六年夏定王使子服周大夫來求

后冬召桓公來逆王后七年宣七年夏公會魯侯伐萊九年宣九年

春正月魯侯來夏伐萊十年宣十年春魯侯來以魯服故歸魯濟

西田夏四月公薨左傳謚曰惠在位十年宣十年

頃公名無野惠公子惠公十年宣十年薨公即位夏魯侯來奔喪

六月葬惠公秋魯季孫行父來聘冬魯公孫歸父來公使國佐

如魯報聘二年宣十一年夏魯公孫歸父會伐莒三年宣十三年春伐莒

莒恃晉故四年宣十四年公會魯公孫歸父于穀五年宣十五年秋高固會魯

仲孫蔑于無婁七年宣十七年春晉侯使卻克徵會于我公帷婦人

使觀之卻克登婦人笑于房克怒公使高固晏弱蔡朝南郭偃

會晉及欽孟高固逃歸夏諸侯會于斲道晉執晏弱蔡朝南郭

偃八年宣十八年春晉侯衛太子臧伐我至于陽穀公會晉侯盟于

緡以公子彊為質于晉晉師還蔡朝南郭偃逃歸十年宣二十年春

公伐魯取龍遂南侵及巢邱夏四月及衛孫良夫戰于新築衛

師敗績六月晉卻克會魯季孫行父衛孫良夫曹公子首及公

戰于鞏我師敗績晉師從我師入自邱輿擊馬陘公使國佐賂

以紀甌玉磬與地秋七月晉師及國佐盟于爰婁使歸魯汶陽

之田冬十一月及楚公子嬰齊魯侯蔡侯許男諸侯之大夫秦宋

陳衛鄭曹盟于蜀十一年宣二十一年冬公朝晉史記頃公朝晉欲尊

王晉晉不敢受乃歸

齊世家卷三

歸而頃公弛苑囿薄賦斂孤問疾虛積聚以救民民大說厚禮諸侯竟頃公卒百姓附諸侯不犯說苑公歸七年不飲酒不食肉外金石之聲遠婦女之出會與盟卑下諸侯

十三年冬十一月定王崩簡王立十二月公會諸侯晉魯宋衛鄭曹邾杞同盟于蟲牢鄭服十五年成七年

秋楚伐鄭公及諸侯晉魯宋衛曹邾邾杞救鄭十六年成八年春晉使魯歸

汶陽之田于我十七年成九年春公會諸侯晉魯宋衛鄭曹邾杞同盟于蒲

歸汶陽之田諸侯貳故秋七月公薨謚曰頃冬十一月葬頃公左傳在位十七年

靈公名環頃公子頃公薨靈公即位元年成十年夏五月公會諸

侯晉魯宋衛曹邾伐鄭鄭從楚故二年成十一年秋魯叔孫僑如來聘四年成十三年

春公及諸侯魯宋衛鄭曹邾滕朝王遂從劉康公成肅公會晉侯伐秦

五年成十四年秋魯叔孫僑如來逆女六年成十五年春國佐會諸侯晉魯宋衛鄭曹同盟于戚討曹成公冬十一月高無咎會諸侯之大夫晉魯宋衛

鄭會吳于鍾離七年成十六年晉將伐鄭邠欒來乞師夏六月晉楚

遇于鄢陵戰之日國佐高無咎至于師秋七月公會諸侯晉魯宋衛

鄭于沙隨謀伐鄭國佐會周尹子晉侯邾人伐鄭八年成十七年夏五

月公會周尹武公單襄公及諸侯晉魯宋衛曹邾伐鄭六月同盟于柯

陵秋別鮑牽逐高無咎奔莒高弱無咎子以盧叛慶克通于靈公母聲

孟子鮑牽告國佐國佐責之夫人怒譖高鮑冬公會周單襄公及諸侯晉魯宋衛曹邾伐鄭

十月圍鄭楚救鄭諸侯還公使崔杼慶克帥師圍盧國佐如盧

齊世家卷三

師殺慶克以穀叛公與之盟于徐關而復之十二月盧降使國

勝國佐告難于晉待命于清九年成十年春殺國佐使清人殺國

勝冬十二月崔杼會諸侯晉宋衛同盟于虛打楚伐宋故十年襄元

春晉會諸侯之大夫魯宋衛曹圍宋彭城討魚石故我不會彭城晉

人以為討二月太子光為質于晉夏晉韓厥伐鄭崔杼會諸侯

魯曹之師次于鄆以待晉師晉師以鄆之師侵楚焦夷及陳秋

九月簡王崩靈王立十一年襄二春公伐萊萊人使正輿子萊

夫賂夙沙衛以索馬牛皆百匹索簡擇好者乃還魯齊姜薨公使諸

姜宗婦如魯送葬召萊子萊子不會晏弱城東陽以偪之冬崔

杼會諸侯之大夫晉魯宋衛曹于戚城虎牢以偪鄭鄭成十二

年襄三晉為鄭服故且欲修吳好將合諸侯使士匄來乞盟公

欲勿許而難為不協乃盟于郟外夏六月世子光會周單頃公

及諸侯晉魯宋衛同盟于雞澤晉逆吳子吳子不至十四年襄五

年秋世子光會諸侯晉魯宋陳衛鄭曹于戚會吳且戍陳冬楚

伐陳光會諸侯于城棣以救之十五年襄六春三月入萊萊共

公浮柔奔棠陳無宇獻萊宗噐于襄宮晏弱圍棠冬十一月滅

之遷萊于郟十七年襄八夏五月高厚會晉侯鄭伯及諸侯之

大夫魯鄭宋于邢邱十八年襄九冬世子光會諸侯晉魯宋衛

薛杞伐鄭鄭成十二月同盟于戲晉人不得志于鄭以諸侯復

伐之次于陰口而還十九年襄十春高厚相世子光先會諸侯

前諸侯于鍾離夏會于祖秋世子光會諸侯伐鄭冬戍鄭虎牢侵

鄭北鄙而歸二十年襄十一年夏四月世子光會諸侯伐鄭秋七月

同盟于亳城北九月復伐鄭鄭使行成冬十二月會于蕭魚二

十一年襄十二年王來求后公許昏王使陰里結之二十三年襄十四年

春正月我及諸侯之大夫會吳于向為吳謀楚故夏崔杼會諸侯之

大夫伐秦衛獻公來奔孫林父逐之秋王使劉定公賜公命將昏于齊故

曰昔伯舅大公右我先王股肱周室師保萬民世祚大師以表

東海王室之不壞繫伯舅是賴今余命女環茲率舅氏之典纂

乃祖考無忝乃舊敬之哉無廢朕命二十四年襄十五年周劉夏來

逆王后夏公伐魯北鄙圍成貳于晉故二十五年襄十六年春三月諸侯

會于溴梁高厚逃歸晉平公使諸大夫舞曰歌詩必類厚歌詩不類晉怒公伐魯北鄙秋

伐魯北鄙圍邾仲孫速微之公曰是好勇去之以為之名二十

六年襄十七年秋公伐魯北鄙圍桃高厚圍臧紇于防二十七年襄十八年

秋公伐魯北鄙冬十月諸侯會于魯濟伐我我禦諸平陰公

登巫山以望晉師畏其衆也乃脫歸我師夜遁十一月晉入我

平陰遂從我師克京茲克邾圍廬弗克公駕將走郵棠大子與

郭榮大諫乃止二十八年襄十九年夏晉欒魴從衛孫林父伐我秋

七月公薨公以五月薨因先定位而後赴故經書七月謚曰靈冬葬靈公左傳在位二

十八年

莊公

尚史 齊世家卷三

七

莊公名光靈公子母曰酸聲姬生光為太子靈公諸子有仲子

戎子諸子者戎子嬖仲子生牙屬諸戎子戎子請以為太子許

之仲子不可公曰在我而已遂東太子光使高厚傅牙為太子

夙沙衛為少傅靈公二十八年襄十年公疾崔杼微逆光疾病而

立之公薨光即位是為莊公執公子牙于句瀆之邱以夙沙衛

易已衛奔高唐以叛晉士匄侵我及穀聞靈公喪而還秋八月

崔杼殺高厚慶封圍高唐弗克冬十一月公圍之高唐人納我

師醢衛于軍我及晉平盟于大隧莊公元年襄二十年夏六月公會

諸侯晉魯宋衛鄭曹莒盟于澶淵我與晉秋魯叔老來聘二年

襄二十一年公使慶佐為大夫復討公子牙之黨執公子買公子鉏

奔魯叔還奔燕晉欒盈亂冬公會諸侯晉魯宋衛鄭曹莒于商任錮欒

氏三年襄二十二年秋晉欒盈自楚來晏嬰曰商任之會受命于晉

今納欒氏將安用之弗聽冬公會諸侯晉魯宋衛鄭曹莒于沙隨

復錮欒氏四年襄二十三年秋公伐衛自衛將伐晉晏嬰崔杼諫弗

聽遂伐晉取朝歌為二隊入孟門登大行張武軍于熒庭戍郟

邵封少水以報平陰之役乃還還自晉不入遂襲莒莒人行成

淮南子莊公出獵有蟲舉足將搏其輪其御曰此所謂螳螂者

也知進而不知却不知量力而輕敵公曰此為人必為天下勇武

矣迴車避之勇武襄二十四年春魯仲孫羯帥師侵我公既伐

晉而懼將欲見楚子楚子使遠啟疆來聘且請期我社蒐軍實

使客觀之秋公聞將有晉師使陳無宇從遠啟疆如楚辭辭辭會期

也且乞師崔杼帥師從之遂伐莒諸侯前諸侯會于夷儀謀伐我

冬楚子伐鄭以救我諸侯還救鄭楚子還使遠啟疆帥師送陳

無宇國人城郊王城也叛晉欲求媚于天子故六年襄二十五年春崔杼伐魯夏五

月莒子來朝享諸北郭崔杼稱疾不視事乙亥公問杼疾杼遂

弑之側公于北郭丁亥葬諸士孫之里四嬖不蹕下車七乘不

以兵甲左傳謚曰莊在位六年襄二十四年

景公名杵臼魯叔孫僑如之在齊也叔孫還羣公納其女于靈

公嬖生杵臼莊公六年襄二十五年夏五月崔杼弑莊公立杵臼而

相之是為景公慶封為左相丁丑盟國人于大宮辛巳公與大

夫及莒子盟晉侯濟自泮會諸侯魯宋衛鄭曹莒邾滕薛杞小邾于夷儀以伐

我我以莊公說使隰鉏請成慶封如師男女以班班辨也齊之男女各以其

賂晉侯以宗噐樂噐自六正五吏三十帥三軍之大夫百官

之正長師旅及處守者皆有賂皆以男晉侯許之秋七月同盟

于重邱景公元年襄二十六年衛甯喜弑殤公納獻公晉執甯喜及

衛獻公秋七月公及鄭伯為衛故如晉晉許歸獻公二年襄二十七年

春慶封聘于魯夏宋向戌欲弭諸侯之兵以為名來告許之

為會于宋秋七月盟于宋西門之外慶封陳湏無實與此會經不書者以齊秦不交相見

也九月崔杼死慶封當國三年襄二十八年夏朝于晉冬十月盧蒲

癸田何殺慶舍慶封子慶封出奔魯既而奔吳癸巳靈王崩景王

尚史

齊世家卷三

立經書十四年襄二十九年夏高止會諸侯之大夫晉魯宋衛鄭曹莒滕薛小邾

城杞吳子使札來聘秋九月高止出奔北燕高豎高止子以盧叛

冬十月閭邱嬰帥師圍盧高止出奔晉五年襄三十四年冬十月公孫

薑會諸侯之大夫前諸國于澶淵宋災故謀歸宋財既而無歸六年襄三十一年夏

五月公孫薑殺閭邱嬰薑害嬰故七年昭元年春正月國弱會諸侯之

大夫晉楚魯宋衛于虢尋宋盟八年昭二年春晉韓起來納幣為平公聘

姜少夏四月晉韓湏來逆女使陳無宇送女致少姜晉謂無宇非

卿執諸中都冬十月無宇歸九年昭三年少姜卒公使晏嬰請繼

室于晉晉許之夏五月晉韓起來逆女公孫薑以其子更公女

而嫁公子秋九月公孫竈放盧蒲癸于北燕北燕伯來奔冬十

月公孫竈卒十年昭四年秋七月楚伐吳執慶封殺之十二年昭六年

年冬十一月公如晉請伐北燕晉許之十二月伐北燕將納簡

公昭三年十三年昭七年春正月公次于虢燕人行成二月盟于

濡上燕人歸燕姬賂以瑤甕玉櫝聾耳不克納而還三月魯叔

孫婁來涖盟十四年昭八年秋七月公孫薑卒十五年昭九年魯仲

孫矍來殷聘十六年昭十年夏陳無宇鮑國伐欒施高彊欒施高

彊出奔魯公與陳無宇莒之侑邑辭穆孟姬景公母為之請高唐

陳氏始大秋九月國弱如晉葬晉平公十七年昭十一年楚圍蔡秋

國弱會諸侯之大夫晉魯宋衛于厥憇謀救蔡十八年昭十二年春

高偃納北燕伯即簡公于唐夏公如晉朝嗣君十九年昭十三年秋公會

周劉子及諸侯晉魯宋衛鄭曹莒于平邱晉成虎祁晉人將尋

盟我不可羊舌肸告于我曰晉禮主盟懼有不治奉承齊犧而

布諸君求終事也君曰余必廢之何齊之有唯君圖之寡君聞

命矣我懼對曰小國言之大國制之敢不聽從甲戌同盟于平

邱二十二年昭十年春公伐徐至于蒲隧徐人行成徐子及邾人

莒人會公盟于蒲賂以甲父之鼎二十五年昭十年秋高發帥師

伐莒莒子奔紀鄆秋七月我師入紀二十六年昭二十年夏公使公

孫青聘于衛青頃公二十七年昭二十一年宋華貜亂冬十一月苑

何忌會晉衛曹救宋二十八年昭二十二年春北郭啟帥師伐莒莒

敗我師于壽餘公伐莒莒子行成盟于稷門之外夏四月景王

崩王猛立王子朝作亂冬十月王猛卒敬王立二十九年昭二十三年

秋敬王居于狄泉尹氏立王子朝三十一年昭二十五年秋九月

魯侯來奔次于陽州公唁魯侯于野井冬十二月公取鄆魯邑

居魯三十二年昭二十六年夏公將納魯侯魯賂梁邱據據說公待

于曲棘使公子鉏帥師從魯侯我師圍成及魯師戰于炊鼻秋

公會魯侯莒子邾子祀伯盟于剡陵謀納冬十月敬王入于成

周王子朝奔楚十二月彗星見三十五年昭二十九年春魯侯自乾

侯至鄆公使高張唁之稱主君大夫稱魯侯如乾侯三十八年

昭三十一年冬高張會諸侯之大夫晉魯宋衛鄭曹城成周高張後

不從諸侯四十二年定四年春三月國夏會周劉子及諸侯晉魯

尚史 齊世家卷三

尚史 齊世家卷三

衛陳鄭曹莒邾頓
胡滕薛杞小邾
于召陵謀伐楚夏五月及諸侯盟于皋鼬四

十五年定七年春歸魯鄆陽關秋公及鄭伯盟于鹹執衛行人北

宮結以侵衛公及衛侯盟于沙衛侯欲叛晉使我執結以侵衛國夏帥師伐魯

西鄙四十六年定八年春正月魯侵我三月魯侵我夏國夏高張

伐魯西鄙四十七年定九年夏六月魯陽虎來奔執之囚諸西鄙

虎逃奔宋秋公伐晉夷儀為衛討也晉敗我師于中牟公致禚媚杏

三于衛四十八年定十年春及魯平夏公會魯侯于夾谷歸魯鄆

謹龜陰之田冬公及衛侯鄭游速會于安甫魯叔孫仇來聘五

十年定十二年冬十月公會魯侯盟于黃五十一年定十三年春公及衛

侯次于垂葭使師伐晉河內夏五月晉荀寅士吉射叛奔朝歌

五十二年定十四年公會魯侯衛侯于牽秋及宋公會于洮謀救范

中行氏五十三年定十五年夏五月公及衛侯次于渠蔭鄭伐宋謀救之五

十四年定十六年晉趙穆以邯鄲叛夏四月公及衛侯救邯鄲圍五

鹿秋八月公及衛侯會于乾侯救范氏伐晉取棘蒲五十五年

哀二年秋八月輸范氏粟晉納衛蒯賸于戚五十六年定十七年春國

夏衛石曼姑圍戚求援于中山中山鮮虞也五十七年定十八年秋七月

陳乞弦施衛甯跪救范氏圍五鹿冬十二月國夏伐晉取邢任

欒鄆逆時陰人于孟壺口晉八邑會鮮虞納荀寅于栢人五十八年

哀五年春晉荀寅士吉射來奔夏伐宋秋九月公薨冬葬景公謚

曰景在位五十八年景公嬖驪嬖之子荼公疾使國夏高張立

荼寘羣公子于萊及薨公子嘉駒黔奔衛陽生及鉏奔魯萊人歌之曰景公死乎不與埋三軍之事乎不與謀師乎師乎何黨

之乎左越絕書闔廬伐齊大克取齊王女為質子為造齊門置傳于水海虛其臺在車道左水海右去縣七十里齊女思

其國死葬虞西山說苑齊景公以其子妻闔廬送諸郊泣曰余死不汝見矣高夢子曰齊負海而縣山誰干我君愛則勿行公

曰余有齊國之固不能以令諸侯又不能聽是生亂也寡人聞之不能令則莫若從且夫吳若蜂蠆然不棄毒于人則不靜余

恐棄毒于我也遂遣之

悼公

悼公名陽生景公子景公薨公子荼立陽生及公子鉏奔魯悼

公元年哀六年夏六月陳乞鮑牧及諸大夫以甲入公宮及國夏

高張戰于莊國夏奔莒遂及高張晏圉弦施奔魯秋八月陳乞

使召陽生陽生駕而見鉏曰嘗獻馬于季孫不入于上乘故又

獻此請與子乘之出萊門而告之故闕止陽生知之先待諸外

陽生曰事未可知反與壬陽生子簡公也處戒之遂行逮夜至于齊

國人知之陳乞使子士之母乞之妾養之與饋者皆入冬十月立

之使胡姬以安孺子荼如賴遷于駘不至殺諸野幕之下久之

或譖胡姬亦殺之陽生即位是為悼公公之在魯也取魯季姬

季孫肥妹既即位使逆之季姬淫魯弗敢與三年哀八年夏五月鮑牧

伐魯取謹及闡六月公使如吳請師伐魯秋及魯平逆季姬以

歸殺鮑牧冬十二月歸魯謹及闡季姬嬖故四年哀九年春公使公孟

綽辭師于吳五年哀十年春魯侯會吳子邾子邾子伐我南鄙師

于鄆國人弒公赴于師吳徐承帥舟師將自海入齊我敗之吳師乃還夏晉趙鞅帥師伐我取犁及轅毀高唐之郭侵及賴而還五月葬悼公左傳謚曰悼在位五年

簡公

簡公名壬悼公子悼公被弒子壬立是為簡公元年哀十年春國書高無平帥師伐魯戰于郊魯左師入我軍右師奔我師從之涉泗夏五月魯侯會吳子伐我克博甲戌戰于艾陵大敗我師獲國書公孫夏閭邱明陳書東郭書公即位闕止有寵使為政陳恒憚之諸御執言于公曰陳闕不可並也君其擇焉弗聽四年哀十年夏四月陳恒殺闕止執公寘于舒州公曰吾早從鞅之

言不及此六月陳恒弒之左傳謚曰簡在位四年

平公平公十二年宣公宣公十四年康公

平公名騫簡公弟陳恒弒簡公立騫是為平公平公即位恒相

之專齊之政史世家元年哀十年春正月魯公孫宿以成叛歸于我

夏五月高無平出奔北燕冬及魯平歸魯成二年哀十年夏四月

孔子卒三年哀十年夏六月晉趙鞅圍衛國觀陳瓘救衛衛弒莊

公立襄公孫般師冬十二月伐衛立公子起執般師以歸公會

魯侯盟于蒙四年哀十年衛君起來奔衛侯輒復入五年哀十年冬

敬王崩元王立六年哀十年夏及魯會于廩邱為鄭故七年哀十年

年秋八月公及魯侯邾子盟于顧九年哀十年夏六月晉荀瑶

伐我高無平帥師禦之戰于犁邱我師敗績十三年哀二十七年晉

荀瑶伐鄭鄭請救于我我救鄭荀瑶乃還左傳是年元王崩貞王

立二十五年悼十二年公薨謚曰平在位二十五年子宣公積即位

宣公四十八年取魯之郕明年公與鄭人會西城伐衛取母邱

五十一年薨田會自廩邱反紀年田布殺其大夫公孫孫公孫

角趙孔肩韓氏救廩邱及田布戰于龍澤田師敗逋呂氏春秋

齊攻廩邱趙使孔青將死士救之與齊人戰大敗之得尸三萬

以為二京甯越謂孔青曰惜矣不如歸師以內攻之越聞之沙

隨賁服却舍延尸車甲盡于戰府庫盡于葬此之謂內攻之孔

青曰齊不尸則如何甯越曰戰而不勝其罪一與人出而不與

入其罪二與之尸而弗取其罪三民以此三者怨上上無以使

下下無以事上是之謂重攻之宣公薨子康公貸即位康公立十四年淫于酒

婦人不聽政墨子康公興樂萬人不衣短褐不食糠糟曰食飲

足觀也是以食必梁肉衣必文繡康公十八年陳恒曾孫和始為諸侯遷康公

海濱二十六年公薨呂氏遂絕其祀田氏卒有齊國史記世家

贊曰齊桓衣裳之會九兵車之會四仲尼曰正而不譎蓋深許

之矣既而內寵猾中踵亂數葉大癰晚潰罪坐養者悲夫景公

賢佞並用若有侈心然姜柄授田景實為之何也高唐之封大

其圍已寘羣公子萊而陽生立畀之政已竈蠱弱前高國陪後

田氏之威接弑二君而莫敢誰何景實為之也詩曰枝葉未有

害本實先撥嗟乎景撥本矣俾北海之侯而為海濱之漁也

伐我高無不帥師樂之戰于... 我師攻績... 三年...
 前臨伐鄭師請攻于我我故鄭師乃還... 是年元王崩...
 言本實未辨... 平景繼本矣... 平北戰之封而... 高... 之...
 田... 之... 蘇... 蘇... 蘇... 蘇... 蘇... 蘇... 蘇... 蘇... 蘇... 蘇...
 其國已實... 公... 不... 而... 則... 是... 立... 界... 之... 郊... 子... 高... 國... 高... 國... 高... 國...
 實... 封... 並... 用... 去... 亦... 必... 以... 然... 美... 師... 郊... 田... 景... 實... 為... 之... 所... 也... 高... 國... 之... 捷... 大...
 之... 美... 國... 師... 內... 歸... 師... 中... 甄... 詹... 樓... 葉... 大... 輿... 師... 黃... 無... 坐... 券... 皆... 悉... 夫... 景... 公...
 曰... 齊... 師... 不... 愛... 之... 會... 以... 兵... 車... 之... 會... 四... 中... 或... 曰... 五... 兩... 不... 補... 益... 采... 指...
 其... 則... 二... 十... 六... 年... 公... 襄... 呂... 為... 鉞... 臨... 其... 師... 田... 內... 卒... 奔... 蔡... 圍... 好... 諸... 下... 西...
 本... 國... 亦... 必... 文... 麟... 一... 年... 公... 十... 八... 年... 刺... 回... 魯... 無... 味... 錄... 為... 諸... 封... 野... 東... 公...
 長... 賸... 也... 長... 以... 介... 必... 一... 年... 公... 十... 八... 年... 刺... 回... 魯... 無... 味... 錄... 為... 諸... 封... 野... 東... 公...

